

書



志第三

隋書

太尉揚州都督監修國史柱國趙國公臣長孫無忌等奉勅撰  
禮儀三

陳末定三年七月武帝崩新除尚書左丞庾持等晉宋以  
來皇帝大行儀注未祖一日告南郊太廟奏策奉謚梓宮  
將登輜輶侍中版奏已稱其謚皇帝遣奠出於階下方  
以此時乃讀哀策而前代策文猶云大行皇帝請明加詳  
正國子博士領步兵校尉知儀禮沈文阿等謂應劭風俗  
通前帝謚未定臣子稱大行以別嗣主近檢梁儀自梓宮  
將登輜輶版奏皆稱某謚皇帝登輜輶伏尋今祖祭已奉



策謚哀策既在庭遣祭不應猶稱大行且哀策篆書藏於  
玄宮謂依梁儀稱謚以傳無窮詔可之

天嘉元年八月癸亥尚書儀曹請今月晦皇太后服安吉  
君禫除儀注沈洙議謂至親暮斷加降故再暮而再周之  
喪斷二十五日但重服不可頓除故變之以織編創巨不  
可便愈故稱之以祥禫禫者淡也所以漸祛其情至加父  
在為母出適後之子則屈降之以暮暮而除服無復衰麻  
緣情有本同之義許以心制心制既無杖經可除不容復  
改玄緦既是心憂則無所更淡其心也且禫杖暮者十五  
月已有禫制今申其究懷之感故斷以再周止二十五日

而已所以宋元嘉廿義心喪以二十五日為限大明中王  
皇后父喪又申明其制齊建元中太子穆妃喪亦同用此  
禮唯王儉古今集記云心制終二十七日又為王浚所難  
何佟之儀注用二十五日而除案古循今宜以再周二十  
五月為斷今皇太后於安吉君心喪之期宜除於再周無  
復心禫之禮詔可之

隋制諸岳崩瀆竭天子素服避正寢撤膳三日遣使祭崩  
竭之山川牲用大牢

皇帝本服大功已上親及外祖父母皇后父母諸官正一  
品喪皇帝不視事三日皇帝本服五服內親及嬪百官正



二品已上喪並一舉哀太陽虧國忌日皇帝本服小功總麻親百官三品已上喪皇帝皆不視事一日

皇太后皇后為本服五服內諸親及嬪一舉哀皇太子為本服五服之內親及東宮三師三少官三品已上一舉哀

梁天監元年齊臨川獻王所生妾謝墓被發不至塋門蕭子晉傳重諮禮官何佟之佟之議以為改葬服總見極不可無服故也此止侵墳土不及於樽可依新官處三日哭假而已帝以為得禮二年何佟之議追服三年無禫尚書議並以佟之為得

又二年始興王嗣子喪博士管四議使國長從服總麻

四年掌山禮嚴植之定儀注以亡月遇閏後年中祥疑所附月帝曰閏蓋餘分月節則各有所隸若節屬前月則宜以前月為忌節屬後月則宜以後月為忌祥逢閏則宜取

遠曰

又四年安成國刺稱廟新建欲尅今日遷立所生具大妃神主國王既有妃喪欲使臣下代祭明山賓議以為不可宜待王妃服竟親奉盛禮

五年貴嬪母車喪議者疑其儀明山賓以為貴嬪既居母憂皇太子出貴嬪別第一舉哀以申聖情庶不乖禮帝從



之

又五年祠部郎司馬裴牒貴嬪母車亡應有服制謂宜准公子為母麻衣之制既葬而除帝從之

六年申明葬制凡墓不得造石人獸碑唯聽作石柱記名位而已

七年安成王慈太妃喪周捨牒使安成始與諸王以成服日一日為位受弔帝曰喪無二主二王既在遠嗣子宜祭

攝事周捨牒嗣子著細布衣綉領帶單衣用十五升葛凡有事及歲時節朔望並於靈所朝夕哭三年不聽樂

十四年舍人朱异議禮年雖未及成人已有爵命者則不為殤封陽侯年雖中殤已有拜封不應殤服帝可之於是

諸王服封陽侯依成人之服大同六年皇太子啓謹案下殤之小功不行婚冠嫁三嘉

之禮則降服之大功理不得有三嘉今行三嘉之禮竊有小疑帝曰禮云大功之末可以冠子父小功之末可以冠

子嫁子娶婦已雖小功既卒哭可以冠娶妻下殤之小功則不可晉代蔡謨謝沈丁纂馮懷等遂云降服大功可以

嫁女宋代裴松之何承天又云文有大功之服亦得出嫁范堅荀伯子等雖復率意致難亦未能折太始六年虞翻

立議大功之末乃可娶婦于時博詢咸同辭議齊永明十



一年有大司馬長子之喪武帝子女同服大功左丞顧杲  
之議云大功之末非直皇女嬪降無疑皇子聘納亦在非  
破凡此諸議皆是公背正文務為通耳徐爰王文憲並云  
暮服降為大功皆不可以婚嫁於義乃為不乖而又不釋  
其意天監十年信安公主當出適而有臨川長子大功之  
慘具論此義粗已詳悉太子今又啓審大功之末及下殤  
之小功行婚冠嫁三吉之事案禮所言下殤小功本是暮  
服故不得有三吉之禮况本服是暮降為大功理當不可  
人間行者是用鄭玄並降之義雜記云大功之末可以冠  
子嫁子此謂本服大功子則小功踰月以後於情差輕所  
以許有冠嫁此則小功之末通得取婦前所云大功之末  
可以冠子嫁子此是簡出大功之身不得取婦後言小功  
之末可以冠子嫁子非直子得冠嫁亦得取婦故有出沒  
婚禮國之大典宜有畫一今宗室及外戚不得復輒有干  
啓禮官不得輒為曲議可依此以為法

後齊定令親王公主太妃妃及從三品已上喪者借白鼓  
一面喪畢進輸王郡公主太妃儀同三司已上及令僕皆  
聽立凶門栢歷三品已上及五等開國通用方相四品已  
下達於庶人以魃頭旌則一品九旒二品三品七旒四品  
五品五旒六品七品三旒八品已下達于庶人唯旒而已



其建旒三品已上及開國子男其長至軫四品五品至輪六品至于九品至較勳品達于庶人不過七尺

王元軌子欲改葬祖及祖母列上未知所服邢子才議曰禮改葬總麻鄭玄注臣爲君子爲父妻爲夫唯三人而已然嫡曾孫孫承重者曾祖父母祖父母改葬既並三年之服皆應服總而止言三八若非遺漏便是舉其略耳

開皇初高祖思定典禮太常卿牛弘奏曰聖教廢替國章殘缺漢晉爲法隨俗因時未足經國庇人弘風施化且制禮作樂事歸元首江南王儉偏隅一臣私撰儀注多違古法就廬非東階之位凶門豈設重之禮兩蕭累代舉國遵

行後魏及齊風牛本隔殊不尋究遙相師祖故山東之人浸以成俗西魏已降師旅弗遑賓嘉之禮盡未詳定今休明啟運憲章伊始請據前經革茲俗弊詔曰可弘因奏徵學者撰儀禮百卷采用東齊儀注以爲准亦微採王儉禮修畢上之詔遂班天下咸使遵用焉其喪紀上自王公下逮庶人著令皆爲定制無相差越正一品薨則鴻臚卿監護喪事司儀令示禮制二品已上則鴻臚丞監護司儀丞示禮制五品已上薨卒及三品已上有耆親已上喪並掌儀一人示禮制官人在職喪聽斂以朝服有封者斂以冕服未有官者白帟單衣婦人有官品者亦以其服斂棺內



不得置金銀珠玉諸重一品懸隔六五品已上四六品已  
下二轎車三品已上油幃朱絲絡網施襪兩箱畫龍幃竿  
諸末垂六旒蘇七品已上油幃施襪兩箱畫雲氣垂四旒  
蘇八品已下達於庶人鼈甲車無幃襪旒蘇畫飾執紼一  
品五十人三品已上四十人四品三十人並布幘布深衣  
三品已上四引四披六鐸六斐五品已上二引二披四鐸  
四斐九品已上二鐸二斐四品已上用方相七品已上用  
魃頭在京師葬者去城七里外三品已上立碑螭首龜趺  
跌上高不得過九尺七品已上立碣高四尺圭首方跌若  
隱淪道素孝義著聞者雖無爵奏聽立碣

三年及暮喪不數閏大功已下數之以閏月亡者祥及忌  
日皆以閏所附之月爲正

凶服不入公門暮喪已下不解官者在外曹緝緣紗帽若  
重喪被起者卓緇下裙帽若入宮殿及須朝見者冠服依  
百官例

齊衰心喪已上雖有奪情並終喪不弔不賀不預宴暮喪  
未練大功未葬不弔不賀並終喪不預宴小功已下假蒲  
依例居五服之喪受冊及之職儀衛依常式唯鼓樂從而  
不作若以戎事不用此制自秦兼天下朝覲之禮遂廢及  
周封蕭瑒爲梁王訖於隋恒稱藩國始有朝見之儀梁王



之朝周入畿大冢宰命有司致積其餼五牢米九十筥醢  
醢各三十五甕酒十八壺米禾各五十車薪芻各百車既  
至大司空設九賓以致館梁王束帛乘馬設九介以待之  
禮成而出明日王朝受享於廟既致享大冢宰又命公一  
人玄冕乘車陳九賓以束帛乘馬致食于賓及賓之從各  
有差致食訖又命公一人弁服乘車執贄設九賓以勞賓  
王設九介迎於門外明日朝服乘車還贄于公公皮弁迎  
於大門授贄受贄並於堂之中楹又明日王朝服設九介  
乘車備儀衛以見于公事畢公致享明日三孤一人又執  
贄勞于梁王明日王還贄又明日王見三孤如見三公明

日卿一人又執贄勞王王見卿又如三孤於是三公三孤  
六卿又各餼賓並屬官之長皆使束帛束帛同三公

開皇四年正月梁主蕭歸朝于京師次於郊外詔廣平王  
楊雄吏部尚書韋世康持節以迎衛尉設次於驛館雄等  
降就便幕歸服通天冠絳紗袞端珥立於東階下西面文  
武陪侍如其國雄等立於門右東面歸攝內史令柳顧言  
出門請事世康曰奉詔勞于梁帝顧言入告歸出迎於館  
門之外西面再拜持節者導雄等歸俱入至于庭下歸北  
面再拜受詔訖雄等乃出於館門外道右東向歸送於門  
外西面再拜及奉見高祖冠通天冠服絳紗袞御大興殿



如朝儀歸服遠遊冠朝服以入君臣並拜禮畢而出  
古者天子征伐則宜于社造于祖類于上帝還亦以牲徧  
告梁天監初陸璣議定軍禮遵古制帝曰宜者請征討之  
宜造者畫謀於廟類者奉天時以明伐並明不敢自專陳  
幣承命可也璣不能對嚴植之又爭之於是告用牲幣反  
亦如之

後齊天子親征篡廢則服通天冠文物充庭有司奏更衣  
乃入冠武弁弁左貂附蟬以出誓訖擇日備法駕乘未輅  
以造于廟載遷廟主於齋車以候行次宜于社有司以毛  
血饗軍鼓載帝社石主於車以候行次擇日陳六軍備大

駕類于上帝次擇日祈后土神州岳鎮海瀆源川等乃爲  
坎盟督將列牲於坎南北首有司坎前讀盟文割牲耳承  
血皇帝受牲耳徧授大將乃寘于坎又軟血軟徧又以寘  
坎禮畢埋牲及盟書又卜日建牙旗於壇祭以太牢及所  
過名山大川使有司致祭將屆戰所卜剛日備玄牲列軍  
容設柴於辰地爲壇而禡祭大司馬奠矢有司奠毛血樂  
奏大濩之音禮畢徹牲柴燎戰前一日皇帝禱祖司空禱  
社戰勝則各報以太牢又以太牢賞用命戰于祖引功臣  
入旌門即神庭而授版焉又罰不用命于社即神庭行戮  
訖振旅而還格廟詣社訖擇日行飲至禮文物充庭有司



執簡紀年號月朔陳六師凱入格廟之事飲至策勲之美  
因述其功不替賞典焉

隋制行幸所過名山大川則有司致祭岳瀆以太牢山川  
以少牢親征及巡狩則類上帝宜社造廟還禮亦如之將  
發軔則輅祭其禮有司於國門外委土爲山象設埋埴有  
司刲羊陳俎豆駕將至委奠幣薦脯醢加羊於輅西首又  
奠酒解羊并饌埋於埴駕至太僕祭兩軹及軔前乃飲授  
爵遂轆輅上而行

大業七年征遼東煬帝遣諸將於薊城南桑乾河上築社  
稷二壇設方壝行宜社禮帝齋於臨朔宮懷荒殿預告官

及侍從各爲其所十二衛士並爲帝衣冕玉輅備漆駕禮  
畢御金輅服通天冠還宮又於宮南類上帝積柴於燎壇  
設高祖位於東方帝服大裘以冕乘玉輅祭奠玉帛並如  
宜社諸軍受胾畢帝就位觀燎乃出又於薊城北設壇祭  
馬祖於其上亦有燎又於其日使有司并祭先牧及馬步  
無鐘鼓之樂衆軍將發帝御臨朔宮親授節度每軍大將  
亞將各一人騎兵四十隊隊百人置一纛十隊爲團團有  
偏將一人第一團皆青絲連明光甲鈇具裝青纓拂建狻  
猊旗第二團絳絲連朱犀甲獸文具裝赤纓拂建貔貅旗  
第三團白絲連明光甲鈇具裝素纓拂建辟邪旗第四團



烏絲連玄犀甲獸文具裝建六駮旗前部鼓吹一部大鼓  
小鼓及鼙長鳴中鳴等各十八具擗鼓金鈺各二具後部  
鐃吹一部鐃二面哥籥及笳各四具節鼓一面兵吹篳篥  
橫笛各四具角十具又步卒小隊分為四團團有偏將一人第一  
團每隊給青隼湯幡第二團每隊黃隼湯幡第三團每隊白  
隼湯幡第四團每隊蒼隼湯幡長鞭補答及甲眊等各種兵數受  
降使者人給馬輜車乘白獸幡方節各騎吏三人車輜自從十二  
人承認慰撫不受大將制戰陣則為監軍軍將發候大角  
一通步卒第一團出營東門東向陣第二團出營南門南  
向陣第三團出營西門西向陣第四團出營北門北向陣

陣四面圍營然後諸團嚴駕立大角三通則鐃鼓俱振騎  
第一團引行隊間相去各十五步次第二團次前部鼓吹  
次弓矢一隊合二百騎建蹲獸旗砲槩二張大將在其下  
次誕馬二十四次大角次後部鐃次第三團次第四團次  
受降使者次及輜重戎車散兵等亦有四團第一輜重出  
收東面陣分為兩道夾以行第二輜重出收南面陣夾以  
行第三輜重出收西面陣夾以行第四輜重出收北面陣  
夾以行亞將領五百騎建騰豹旗殿軍後至營則第一團  
騎陣於東面第二團騎陣於南面鼓吹翊大將居中駐馬  
南向第三團騎陣於西面第四團騎陣於北面合為方陣



四團外向步卒翊輜重入於陣內以次安營營定四面陣者引騎入營亞將率驍騎遊弈督察其安營之制以車外布間設馬槍次施兵幕內空雜畜事畢大將亞將等各就牙帳其馬步隊與軍中散兵交為兩番五日而代於是每日遣一軍發相去四十里連營漸進二十四日續發而盡首尾相繼鼓角相聞旌旗亘九百六十里天子六軍次發兩部前後先置又亘八十里通諸道合三十軍亘一千四十里諸軍各以帛為帶長尺五寸闊二寸題其軍號為記御營內者合十二衛三臺五省九寺並分隸內外前後左右六軍亦各題其軍號不得自言其省王公已下至于兵

丁廝隸悉以帛為帶綴于衣領名軍記帶諸軍並給幡數百有事使人交相去來者執以行不執幡而離本軍者佗軍驗軍記帶知非部兵則所在斬之是歲也行幸望海鎮於禿黎山為壇祀黃帝行禡祭詔太常少卿韋瓘博士褚亮奏定其禮皇帝及諸預祭臣近侍官諸軍將皆齋一宿有司供帳設位為埋埴神坐西北內墳之外建二旗於南門外以熊席設帝軒轅神坐於墳內置甲冑弓矢於坐側建樂於坐後皇帝出次入門羣官定位皆再拜奠禮畢還

宮

隋制常以仲春用少牢祭馬祖於大澤諸預祭官皆於祭



四冊八  
所致齋一日積柴於燎壇禮畢就燎仲夏祭先牧仲秋祭  
馬社仲冬祭馬步並於大澤皆以剛日牲用少牢如祭馬  
祖埋而不燎

開皇二十年太尉晉王廣北伐突厥四月己未次於河上  
禡祭軒轅黃帝以太牢制幣陳甲兵行三獻之禮

後齊命將出征則太卜詣太廟灼靈龜授鼓旗於廟皇帝  
陳法駕服袞冕至廟拜於太祖徧告訖降就中階引上將  
操鉞授柯曰從此上至天將軍制之又操斧授柯曰從此  
下至泉將軍制之將軍既受斧鉞對曰國不可從外理軍  
不可從中制臣既受命有鼓旗斧鉞之威願無一言之命

於臣帝曰苟利社稷將軍裁之將軍就車載斧鉞而出皇  
帝推轂度閭曰從此以外將軍制之

周大將出征遣太祝以羊一祭所過名山大川明帝武成  
元年吐谷渾寇邊帝常服乘馬遣大司馬賀蘭祥於太祖  
之廟司憲奉鉞進授大將大將拜受以授從者禮畢出受  
甲兵

隋制皇太子親戎及大將出師則以豶脰一豐鼓皆告社  
廟受斧鉞訖不得反宿於家開皇八年晉王廣將伐陳內  
史李德林攝太尉告于太祖廟禮畢又命有司宣于社  
○古者三年練兵入而振旅至於春秋蒐獮亦以講其事



四十一  
焉梁陳時依宋元嘉二十五年蒐宣武場其法置行軍殿  
於幕府山南岡并設王公百官幕先獵一日遣馬騎布圍  
右領軍將軍督右左領軍將軍督左大司馬董正諸軍獵  
日侍中三奏一奏搥一鼓為嚴三嚴訖引仗為小駕鹵簿  
皇帝乘馬戎服從者悉絳衫幘黃麾蔽言蹕鼓吹如常儀獵  
訖宴會享勞比較多少戮一人以懲亂法會畢還宮

後齊常以季秋皇帝講武於都外有司先乘野為場為二  
軍進止之節又別墀於北場輿駕停轡遂命將簡士教衆  
為戰陣之法凡為陣少者在前長者任後其還則長者在  
前少者在後長者持弓矢短者持旌旗勇者持鉦鼓力楮

為前行戰士次之禦者次之弓箭為後行將帥先教士目  
使習見旌旗指麾之蹤發起之意旗臥則跪教士耳使習  
金鼓動止之節聲鼓則進鳴金則止教士心使知刑罰之  
苦賞賜之利教士手使習持五兵之便戰鬪之備教士足  
使習跪及行列峻泥之塗前五日皆請兵嚴於場所依方  
色建旗為和門都墀之中及四角皆建五采牙旗應講武  
者各集於其軍戒鼓一通軍士皆嚴備一通將士貫甲三  
通步軍各為直陣以相俟大將各處軍中立旗鼓下有司  
陳小駕鹵簿皇帝武弁乘革輅大司馬介冑乘奉引入行  
殿百司陪列位定二軍迭為客主先舉為客後舉為主從



五行相勝法為陣以應之

後齊春蒐禮有司規大防建獲旗以表獲車蒐前一日命布圍領軍將軍一人督左甄護軍將軍一人督右甄大司馬一人居中節制諸軍天子陳小駕服通天冠乘木輅詣行宮將親禽服戎服鉞戟者皆嚴武衛張甄圍旗鼓相望銜枚而進甄常開一方以令三驅圍舍吏奔騎令曰鳥獸之肉不登於俎者不射皮革齒牙骨角毛羽不登於器者不射甄合太司馬鳴鼓促圍衆軍鼓譟鳴角至期處而止大司馬屯北旌門一甄帥屯左右旌門天子乘馬從南進門入親射禽謁者以催發車收禽載還陳於獲旗之北王公

已下以次射禽皆送旗下事畢大司馬鳴鼓解圍復屯殿中郎中率其屬收禽以實獲車天子還行宮命有司每禽擇取三十一曰乾豆二曰賓客三曰充君之庖其餘即於圍下量餽將士禮畢改服鉞者韜刀而還夏苗秋獮冬狩禮皆同河清中定令每歲十二月半後講武至晦遂除二軍兵馬若春秋門左入萬歲門並至永巷南下至昭陽殿北一軍交一軍從西上閣一軍從東上閣並從端門南出閭闔門前橋南戲射並訖送至城南郭外罷後齊二月二日皇帝常服乘輿詣射所升堂即坐皇太子及羣官坐定登歌進酒行爵皇帝入便殿更衣以出驂騑



令進御馬有司進弓矢帝射訖還御坐射懸侯又畢羣官

乃射五埒一品二品三十發一發調馬十發射下十發射

射獸三品二十五發一發調馬五發射下十發射上三

品二十發一發調馬五發射下八發射上二五品十五

發一發調馬四發射下五發射上二侍官御仗已上十發

射下五發射上季秋大射皇帝備大駕常服御七寶鞞射

七埒正三品已上第一埒一品五十發一發調馬十五發

上三發射獸頭二品四十六發一發調馬十五發射

射帖三發射獸頭從三品四品第二埒三品四十二發一發

十二發射下二發射上二四品三十七發一發調馬

發射獸二發射帖三發射獸頭

下十九發射上一發射鞞

二發射帖三發射獸頭五品第三埒二十一發一發調

射下十七發射上一發射八品第四埒二十七發一發調

鞞二發射帖二發射獸頭

射下十六發射上一發射七品第五埒二十一發一發調馬六

發射鞞一發射帖

發射上一發射八品第六埒十六發一發調馬四發射下

鞞一發射帖

射帖九品第七埒十發一發調馬三發射下四發大射置

大將太尉公射司馬各一人錄事二人七埒各置埒將射

正參軍各一人埒士四人威儀一人乘白馬以導的別參

軍一人懸侯下府參軍一人又各置令史埒士等負以司其事

後周仲春教振旅大司馬建大麾於萊田之所鄉稍之官

四六六

禮書

十一



以旂物鼓鐸鉦鏡各帥其人而致誅其後至者建麾於後表之中以集衆庶質明偃麾誅其不及者乃陳徒騎如戰之陣大司馬北面誓之軍中皆聽鼓角以爲進止之節田之日於所萊之北建旗爲和門諸將帥徒騎序入其門有司居門以平其人既入而分其地險野則徒前而騎後易野則騎前而徒後既陣皆坐乃設驅逆騎有司表格於陣前以太牢祭黃帝軒轅氏於狩地爲壇建二旗列五兵於坐側行三獻禮遂蒐田致禽以祭社仲夏教養舍如振旅之陣遂以苗田如蒐法致禽以享約仲秋教練兵如振旅之陣遂以獮田如蒐法致禽以祀方仲冬教大閱如振旅

之陣遂以狩田如蒐法致禽以享烝

孟秋迎太白候太白夕見於西方先見三日大司馬戒期遂建旗於陽武門外司空除壇北有司薦毛血登歌奏昭夏在位者拜事畢出其日中後十刻六軍士馬俱介冑集旗下左右武伯督十二帥嚴街待臣文武俱介冑奉迎樂師撞黃鐘石五鐘皆應皇帝介冑警蹕以出如常儀而無鼓角出國門而輒祭至則舍於次太白未見五刻中外皆嚴皇帝就位六軍鼓譟行三獻之禮每獻鼓譟如初獻事訖燔燎賜胙畢鼓譟而還

隋制大射祭射侯於射所用少牢軍人每年孟秋閱戎具



仲冬教戰法及大業三年煬帝在榆林突厥啓民及西域  
東胡君長並來朝貢帝欲誇以甲兵之盛乃命有司陳冬  
狩之禮詔虞部量拔延山南北周二百里並立表記前狩  
二日兵部建旗於表所五里一旗分爲四十軍軍萬人騎  
五千匹前一日諸將各帥其軍集於旗下鳴鼓後至者斬  
詔四十道使並揚旗建節分申佃令即留軍所監獵布圍  
羣闕南面方幘而前帝服紫袷褶黑介幘乘闐豬車其飾  
如木輅重輞漫輪蚪龍繞轂漢東京鹵簿所謂獵車者也  
駕六黑駟太常陳鼓笳鏡簫角於帝左右各百二十百官  
戎服騎從鼓行入圍諸將並鼓行赴圍乃設驅逆騎千有

二百闐豬停輞有司斂大綏王公已下皆整弓矢陳於駕  
前有司又斂小綏乃驅獸出過於帝前初驅過有司整御  
弓矢以前待詔再驅過備身將軍奉進弓矢三驅過帝乃  
從禽鼓吹皆振坐而射之每驅必三獸以上帝發抗大綏  
次王公發則抗小綏次諸將發射之無鼓驅逆之騎乃止  
然後三軍四夷百姓皆獵凡射獸自左髀而射之達于右  
髀爲上等達右耳本爲次等自左髀達于右肱爲下等羣  
獸相從不得盡殺已傷之獸不得重射又逆向人者不射  
其面出表者不逐之佃將止虞部建旗於圍內從駕之鼓  
及諸軍鼓俱振卒徒皆譟諸獲禽者獻於旗所致其左耳



大獸公之以供宗廟使歸薦腊于京師小獸私之

齊制季冬晦選樂人子弟十歲以上十二以下為侏子合二百四十人一百二十人赤幘皂襦衣執鼗一百二十人赤布袴褶執鞞角方相氏黃金四目熊皮蒙首玄衣朱裳執戈揚楯又作窮奇相明之類九十二獸皆有毛角鼓吹令率之中黃門行之冗從僕射將之以逐惡鬼于禁中其日戊夜三唱開諸里門儺者各集被服器仗以待事戊夜四唱開諸城門二衛皆嚴上水一刻皇帝常服即御座王公執事官第一品已下從六品已上陪列預觀儺者鼓譟入殿西門徧於禁內分出二上閣作方相與十二獸儺戲

喧呼周徧前後鼓譟出殿南門分為六道出於郭外

隋制季春晦儺磔牲於宮門及城四門以禳陰氣秋分前一日禳陽氣季冬傍磔六儺亦如之其牲每門各用羝羊及雄雞一選侏子如後齊冬八隊二時儺則四隊問事十二人赤幘禱衣執皮鞭工人二十二人其一人方相氏黃金四目蒙熊皮玄衣朱裳其一人為唱師著皮衣執棒鼓角各子有司預備雄雞羝羊及酒於宮門為坎未明鼓譟以方相氏執戈揚楯周呼鼓譟而出合趣顯陽門分詣諸城門將出諸祝師執事預齎牲肉磔之於門酌酒禳祝舉牲并酒埋之



後齊制日蝕則太極殿西廂東向堂東廂西向各設御座  
羣官公服晝漏上水一刻內外皆嚴三門者閉中門單門  
者掩之蝕前三刻皇帝服通天冠即御座直衛如常不省  
事有變聞鼓音則避正殿就東堂服白袷單衣侍臣皆赤  
幘帶劔升殿侍諸司各於其所赤幘持劔出戶向日立有  
司及羣官屬並行宮內諸門掖門屯衛太社鄴令以官屬  
圍社守四門以朱絲繩繞繫社壇三匝太祝令陳辭責社  
太史令一人走馬露版上尚書門司疾上之又告清都尹  
鳴鼓如嚴鼓法日光復乃止奏解嚴

後魏每攻戰尅捷欲天下知聞迺書帛建於竿上名爲露  
布其後相因施行開皇中迺詔太常卿牛弘太子庶子裴  
政撰宣露帟禮及九年元帥晉王以駟上露布兵部  
奏請依新禮宣行承認其官四方客使等並赴廣陽門  
外服朝衣各依其列內史令稱有詔在位者皆拜宣訖拜  
蹈舞者三又拜郡縣亦同

志第三

禮儀三

隋書八



志第四

隋書九

太尉揚州都督監修國史柱國趙國公臣長孫無忌等奉勅撰  
禮儀四

周大定元年靜帝遣兼太傅上柱國杞國公椿大宗伯大  
將軍金城公嬰奉皇帝璽綬策書禪位于隋司錄虞慶則  
白請設壇於東第博士何妥議以為受禪登壇以告天也  
故魏受漢禪設壇於繁昌為在行旅郊壇乃闕至如漢高  
左汜光武在鄗盡非京邑所築壇自晉宋揖讓皆在都下  
莫不並就南郊更無別築之義又後魏即位登朱雀觀周  
帝初立受朝於路門雖自我作古皆非祖也今即府為壇



恐招後誚議者從之二月甲子椿等乘象輅備鹵簿持節率百官至門下奉策入次百官文武朝服立于門南北面高祖冠遠遊冠府寮陪列記室入白禮曹導高祖府寮從出大門東廂西向椿奉策書暎奉璽綬出次節導而進高祖揖之入門而左椿等入門而右百官隨入庭中椿南向讀冊書畢進授高祖高祖北面再拜辭不奉詔上柱國李穆進喻朝旨又與百官勸進高祖不納椿等又奉策書進而敦勸高祖再拜俯受策以授高祖受璽以授虞慶則退就東階位使者與百官皆北面再拜椿笏三稱萬歲有司請備法駕高祖不許改服紗帽黃袍入幸臨光殿就閣內

服袞冕乘小輿出自西序如元會儀禮部尚書以案承符命及祥瑞牒進東階下納言跪御前以聞內史令奉宣詔大赦改元曰開皇是日命有司奉冊祀于南郊

後齊將崇皇太后則太尉以玉帛告圓丘方澤以幣告廟皇帝乃臨軒命太保持節太尉副之設九僎命使者受璽綬冊及節詣西上閣其日昭陽殿文物具陳臨軒訖使者就位持節及璽綬稱詔二侍中拜進受節及冊璽綬以付小黃門黃門以詣閣皇太后服禕衣處昭陽殿公主及命婦陪列於殿皆拜小黃門以節綬入女侍中受以進皇太后皇太后興受以授左右復坐反節於使者使者受節出



冊皇后如太后之禮

後齊冊皇太子則皇帝臨軒司徒為使司空副之太子服遠遊冠入至位使者入奉冊讀訖皇太子跪受冊於使以授中庶子又受璽綬於尚書以授庶子稽首以出就冊則使者持節至東宮宮臣內外官定列皇太子階東西面若幼則太師抱之主衣二人奉空頂幘服從以受冊明日拜章表於東宮殿庭中庶子中舍人乘輅車奉章詣朝堂謝擇日齋於崇正殿服冕乘石山安車謁廟擇日羣臣上禮又擇日會明日三品以上踐賀

冊諸王以臨軒日上水一刻吏部令史乘馬齋召版詣王

第三乘高車鹵簿至東掖門止乘輅車既入至席尚書讀冊訖以授王又授章綬事畢乘輅車入鹵簿乘高車詣閭闔門伏闕表謝報訖拜廟還第就第則鴻臚卿持節吏部尚書授冊侍御史授節使者受而出乘輅車持節詣王第入就西階東面王立於東階西面使者讀冊博士讀版王俛伏興進受冊章綬茅土俛伏三稽首還本位謝如上儀在州鎮則使者受節冊乘輅車至州如王第諸王三公儀同尚書今五等開國太妃妃公主恭拜冊軸一枚長二尺以白練衣之用竹簡十二枚六枚與軸等六枚長尺二寸文出集書書皆篆字哀冊贈冊亦同



諸王五等開國及鄉勇恭拜以其封國所在方取社壇方  
面土包以白茅內青箱中函方五寸以青塗飾封授之以  
為社

隋臨軒冊命三師諸王三公並陳車輅餘則否百司定列  
內史令讀冊訖受冊者拜受出又引次受冊者如上儀若  
冊開國郊社令奉茅土立於仗南西面每受冊訖授茅土  
焉

後齊皇帝加元服以玉帛告圓丘方澤以幣告廟擇日臨  
軒中嚴君羣官位定皇帝著空頂介幘以出太尉盥訖  
升脫空頂幘以黑介幘奉加訖太尉進太保之右北面讀

祝訖太保加冕侍中繫玄紉脫絳紗袍加袞服事畢太保  
上壽羣官三稱萬歲皇帝入溫室移御坐會而不上壽後  
日文武羣官朝服上禮酒十二鍾米十二囊牛十二頭又  
擇日親拜圓丘方澤謁廟

皇太子冠則太尉以制幣告七廟擇日臨軒有司供帳於  
崇正殿中嚴皇太子空頂幘公服出立東階之南西面使  
者入立西階之南東面皇太子受詔訖入室盥櫛出南面  
使者進揖詣冠席西面坐光祿卿盥訖詣太子前跪櫛使  
者又盥奉進賢三梁冠至太子前東面祝脫空頂幘加冠太  
子興入室更衣出又南面就席光祿卿盥櫛使者又盥祝



脫三梁冠加遠游冠太子又入室更衣設席中楹之西使者揖就席南面光祿卿洗爵酌醴使者詣席前北面祝太子拜受醴即席坐祭之啐之奠爵降階復本位西面三師三少及在位羣官拜事訖又擇日會宮臣又擇日謁廟隋皇太子將冠前一日皇帝齋於大興殿皇太子與賓贊及預從官齋於正寢其日質明有司告廟各設筵於阼階皇帝衣冕入拜即御座賓揖皇太子進升筵西向坐賓冠者坐櫛設纒賓盥訖進加緇布冠贊冠進設纒纒賓冠皇太子適東序衣玄衣素裳以出贊冠者又坐櫛賓進加遠遊冠改服訖賓又受冕太子適東序改服以出賓揖皇

太子南面立賓進受醴進筵前北面立祝皇太子拜受纒賓復位東面答拜贊冠者奉饌於筵前皇太子祭奠禮畢降筵進當御東面拜納言承認詔太子戒訖太子拜贊冠者引太子降自西階賓少進字之贊冠者引皇太子進立於庭東面諸親拜訖贊冠者拜太子皆答拜與賓贊俱復位納言承認詔降令有司致禮賓贊又拜皇帝降復阼階拜皇太子已下皆拜皇帝出更衣還宮皇太子從至闕因入見皇后拜而還

後齊皇帝納后之禮納采問名納徵訖告圓丘方澤及廟如加元服是日皇帝臨軒命太尉爲使司徒副之持節詣



皇后行宮東向奉璽綬冊以授中常侍皇后受冊於行殿  
使者出與公卿以下皆拜有司備迎禮太保太尉受詔而  
行主人公服迎拜於門使者入升自賓階東面主人升自  
阼階西面禮物陳於庭設席於兩楹間童子以璽書版升  
主人跪受送使者拜于大門之外有司先於昭陽殿兩楹  
間供帳爲同牢之具皇后服大嚴繡衣帶綬珮加幪女長  
御引出升畫輪四望車女侍中負璽陪乘鹵簿如大駕皇  
帝服袞冕出升御座皇后入門大鹵簿住門外小鹵簿入  
到東上閤施步鄣降車席道以入昭陽殿前至席位姆去  
幪皇后先拜後起皇帝後拜先起帝升自西階詣同牢坐

與皇后俱坐各三飯訖又各酌二爵一盃奏禮畢皇后興  
南面立皇帝御太極殿王公已下拜皇帝興入明日后展  
衣於昭陽殿拜表謝又明日以榛栗棗脩見皇太后於昭  
陽殿擇日羣官上禮又擇日謁廟皇帝使太尉先以太牢  
告而後徧見羣廟

皇太子納妃禮皇帝遣使納采有司備禮物會畢使者受  
詔而行主人迎于大門外禮畢會於聽事其次問名納吉  
並如納采納徵則使司徒及尚書令爲使備禮物而行請  
期則以太常宗正卿爲使如納采親迎則太尉爲使三日  
妃朝皇帝於昭陽殿又朝皇后於宣光殿擇日羣官上禮



志 隋九 六  
佗日妃還又佗日皇太子拜閣

隋皇太子納妃禮皇帝臨軒使者受詔而行主人俟於廟  
使者執鴈主人迎拜於大門之東使者入升自西階立於  
楹間南面納采訖乃行問名儀事畢主人請致禮於從者  
禮有幣馬其次擇日納吉如納采又擇日以玉帛乘馬納  
徵又擇日告期又擇日命有司以特牲告廟冊妃皇太子  
將親迎皇帝臨軒醮而誡曰往迎爾相承我宗事勗帥以  
敬對曰謹奉詔既受命羽儀而行主人几筵於廟妃服褕  
翟立於東房主人迎於門外西面拜皇太子答拜主人揖  
皇太子先入主人升立於阼階西面皇太子升進當房戶

前北面跪奠鴈俛伏興拜降出妃父少進西面戒之母於  
西階上施衿結帨及門內施擊甬之出門妃升輅乘以几  
姆加幃皇太子乃御輪三周御者代之皇太子出大門乘  
輅羽儀還宮妃三日雞鳴夙興以朝奠葬於皇帝皇帝撫  
之又奠葬於皇后皇后撫之席於戶牖間妃立於席西祭  
奠而出

後齊娉禮一曰納采二曰問名三曰納吉四曰納徵五曰  
請期六曰親迎皆用羔羊一口鴈一隻酒黍稷稻米麩各  
一斛自皇子王已下至於九品皆同流外及庶人則減其  
半納徵皇子王用玄三匹纁二匹束帛十匹大璋一品第一



下至從三品用璧獸皮二第一品已下至從五品用豹皮

玉四品已下皆無獸皮二二六品已下至從九品用鹿皮

錦綵六十匹一品錦綵四十匹二品三十四匹三品二十八匹四品雜綵十六匹五品十四匹六品十二匹七品十匹

綃二百匹一品一百四十匹二品一百二十匹三品一百匹四品八十四匹五品六十六匹六品五十二匹七品四十四匹

羔羊一口羊四口犢二頭酒黍稷稻米麩各十

斗一品至三品減羊二口酒黍稷稻米麩各減六斛四品

角五品減一犢酒黍稷稻米麩又減二斛六品已下無犢

酒黍稷稻米麩各一斛諸王之子已封未封禮皆同第一品新婚從

車皇享百乘一品五十乘第二第三品三十乘第四第五

品二十乘第六第七品十乘八品達於庶人五乘各依其

秩之飾

梁大同五年臨城公婚公夫人於皇太子妃為姑姪進見

之制議者互有不同今曰纁紈之儀既稱合於二姓酒食

會亦有姻不失親若使榛栗棗脩贄饋必舉副笄編珈盛

飾斯備不應婦見之禮獨以親闕頃者敬進醢醴已傳婦

事之則而奉盤沃盥不行俟服之家是知繁素省不同質文

異世臨城公夫人於妃既是姑姪宜傳省

後齊將講於天子先定經於孔父廟置執經一人侍講二

人執讀一人摘句二人錄義六人奉經二人講之日皇帝

服通天冠玄紗袞乘象輅至學坐廟堂上講訖還便殿改

服絳紗袞乘象輅還宮講畢以一太牢釋奠孔父配以顏

回列軒懸樂六佾舞行三獻禮畢皇帝服通天冠絳紗袞



升階即坐宴畢還宮皇太子每通一經亦釋奠乘石山安車三師乘車在前三少從後而至學焉

梁天監八年皇太子釋奠周捨議以為釋奠仍會既惟大禮請依東宮元會太子著絳紗裸樂用軒懸預升殿坐者皆服朱衣帝從之又有司以為禮云凡為人子者升降不由阼階案今學堂凡有二階愚謂爰是升降等則從主人之階今先師在堂義所尊敬太子宜登阼階以明從師之義若釋奠事訖宴會之時無復先師之敬太子升堂則宜從西階以明不由阼義吏部郎徐勉議鄭玄云由命士以上父子異宮宮室既異無不由阼階之禮請釋奠及宴會太

子升堂並宜由東階若輿駕幸學自然中阼又檢東宮元會儀注太子升崇正殿不欲東西階貞東宮典儀列云太子元會升自西階此則相承為謬請自今東宮大公事太子升崇正殿並由阼階其預會賓客依舊西階

大同七年皇太子表其子寧國臨城公入學時議者以與太子有齒胃之義疑之侍中尚書令臣敬容尚書僕射臣續尚書臣僧旻臣之遴臣筠等以為參點並事宣尼回路同浴泗水鄒魯稱盛洙汶無譏師道既光得一資敬無虧亞貳況於兩公而云不可制曰可

後齊制新立學必釋奠禮先聖先師每歲春秋二仲常行



其禮每月旦祭酒領博士已下及國子諸學生已上太學  
四門博士升堂助教已下太學諸生階下拜孔揖顏日出  
行事而不至者記之爲一負雨露服則止學生每十日給  
假皆以景日放之郡學則於坊內立孔顏廟博士已下亦  
每月朝云

隋制國子寺每歲以四仲月上丁釋奠於先聖先師年別  
一行鄉飲酒禮州郡學則以春秋仲月釋奠州郡縣亦每  
年於學一行鄉飲酒禮學生皆乙日試書景日給假焉

梁元會之禮未明庭燎設文物充庭臺門闕禁衛皆嚴有  
司各從其事太階東置白獸樽羣臣及諸蕃客並集各從

其班而拜侍中奏中嚴王公卿尹各執珪璧入拜侍中乃  
奏外辨皇帝服衮冕光乘輿以出侍中扶左常侍扶右黃門  
侍郎一人執曲直華蓋從至階降輿納馬升坐有司御前  
施奉珪藉王公以下至階脫馬劍升殿席南奏贊珪璧畢下殿納  
馬佩劍詣本位主客卽徙珪璧於東廂帝與入徙御坐於西壁下東  
向設皇太子王公已下位又奏中嚴皇帝服通天冠升御坐王公上  
壽禮畢食食畢樂伎奏太官進御酒主書賜書甘遠三品已上尚書  
駙騎引計吏郡國各一人皆跪受詔侍中讀五條詔計吏  
每應諾訖令陳便宜者聽詣白獸樽以次還坐宴樂罷皇  
帝乘輿以入皇太子朝則遠遊冠服乘金輅國簿以行預



會則劔履升坐會訖先與天監六年詔曰頃代以來元日朝畢次會羣臣則移就西壁下東向坐乘之古義王者燕萬國唯應南面何更居東面於是御座南向以西方爲上皇太子以下在北壁坐者悉西邊東向尚書令以下在南方坐者悉東邊西向舊元日御座東向酒壺在東壁下御座旣南向乃詔壺於南蘭下又詔元日受五等贊拜壁並量付所司周捨案周禮冢宰大朝觀贊玉幣尚書古之冢宰頃王者不親撫玉則不復須冢宰贊助尋尚書主客曹郎旣冢宰隸職今元日五等奠玉旣竟請以主客郎受鄭玄注觀禮云旣受之後出付玉人於外漢時少府職掌

璧請主客受玉付少府掌幣從之又尚書僕射沈約議正會儀注御出乘輿至太極殿前納馬升階尋路寢之設本是人君居處不容自敬宮室案漢氏則乘小車升殿請自今元正及大公事御宜乘小輿至大極階仍乘版輿升殿制可

陳制先元會十日百官並習儀注令僕已下悉公服監之設庭燎街闕城上殿前皆嚴兵百官各設部位而朝宮人皆於東堂隔綺䟽而觀宮門旣無籍外人但絳衣者亦得入觀是日上事人發白獸罇自餘亦多依梁禮云後齊正日侍中宣詔慰勞州郡國使詔牘長一尺三寸廣



一尺雌黃塗飾上寫詔書三計會日侍中依儀勞郡國計  
吏問刺史太守安不及穀價麥苗善惡人間疾苦又班五  
條詔書於諸州郡國使人寫以詔牘一枚長二尺五寸廣  
一尺三寸亦以雌黃塗飾上寫詔書正會日依儀宣使  
人歸以告刺史二千石一日政在正身在愛人去殘賊擇  
良吏主決獄平徭賦二日人生在勤勤則不匱其勸率田  
祭無或煩擾三日六極之人務加寬養使生有以自救  
汝有以自給四曰長吏華淳奉客以求小譽遂末捨本政  
之所疾宜謹察之五日人事意氣干亂奉公外內溷淆綱  
紀不設所宜糾劾正會日侍中黃門官詔勞諸郡上計勞

訖付紙遣陳土宜字有脫誤者呼起席後立書迹濫劣者  
飲墨水一升文理孟浪無可取者奪容刀及席既而本曹  
郎中考其文迹才辭可取者錄牒吏部簡同流外三品叙  
元正大饗首官一品已下流外九品已上預會一品已下  
正三品已上開國公侯伯散品公侯及特命之官下代刺  
史並升殿從三品已下從九品以上及奉正使人比流官  
者在階下勲品已下端門外

隋制正旦及冬至文物充庭皇帝出西房即御座皇太子  
鹵簿至顯陽門外入賀復詣皇后御殿拜賀訖還宮皇太  
子朝訖群官客使入就位再拜上公一人詣西階解劔升



賀降階帶劍復位而拜有司奏諸州表羣官在位者又拜  
而出皇帝入東房有司奏行事訖乃出西房坐定羣官入  
就位上壽訖上下俱拜皇帝舉酒上下舞蹈三稱萬歲皇  
太子預會則設坐於御東南西向羣臣上壽畢入解劍以  
升會訖與

後齊元日中宮朝會陳樂皇后禕衣乘輿以出於昭陽殿  
坐定內外命婦拜皇后興妃主皆跪皇后坐妃主皆起長  
公主一人前跪拜賀禮畢皇后入室乃移幄坐於西廂皇  
后改服褕狄以出坐定公主一人上壽訖就坐御酒食賜  
爵並如外朝會

隋儀如後齊制而又有皇后受羣臣賀禮則皇后御坐而  
內侍受羣臣拜以入承令而出羣臣拜而罷

後齊皇太子月五朝未明二刻乘小輿出為三師降至承  
華門升石山安車三師輶車在前三少在後自雲龍門入  
皇帝御殿前設拜席位至栢閣齊帥引洗馬中庶子從至  
殿前席南北面再拜

天保元年皇太子監國在西林園冬會羣議皆東面二年  
於北城第內冬會又議東面吏部郎陸印疑非禮魏收改  
為西面邢子才議欲依前曰凡禮有同者不可令異詩說  
天子至於大夫皆乘四馬况以方面之少何可皆不同乎



若太子定西面者王公卿大夫士復何面邪南面人君正位今一官之長無不南面太子聽政亦南而坐議者言皆晉舊事太子在東宮西面為避尊位非為向臺殿也子才以為東晉博議依漢魏之舊太子普臣四海不以為嫌又何疑於東面禮世子絕旁親世子冠於阼冢子生接以太牢漢元著令太子絕馳道此皆禮同於君又晉王公世子攝命臨國乘七旒安車駕用三馬禮同三公近宋太子乘象輅昔有同處不以為嫌况東西者君臣通禮獨何為避明為向臺所以然也近皇太子在西林園在於殿猶且東面於北城非宮殿之處更不得邪諸人以東面為尊宴

會避案燕禮燕義君位在東賓位則在西君位在阼階故有武王踐阼篇不在西也禮乘君之車不敢曠左君在惡空其位左亦在東不在西也君在阼夫人在房鄭注人君尊東也前代及今皇帝宴會接客亦東堂西面若以東面為貴皇太子以儲后之禮監國之重別第宴臣賓自得中其正位禮者皆東宮臣屬公卿接宴觀禮而已若以西面為卑實是君之正位太公不肯北面說丹書西面則道之西面乃尊也君位南面有東有西何可皆避且事雖少異有可相比者周公臣也太子子也周公為冢宰太子為儲貳明堂尊於別第朝諸侯重於宴臣賓南面貴於東面臣



踈於子家宰輕於儲貳周公攝政得在明堂南面朝諸侯  
 今太子監國不得於別第異宮東面宴客情所未安且君  
 行以太子監國君宴不以公卿為賓明父子無嫌君臣有  
 嫌案儀注親王受詔冠婚皇子皇女皆東面今不約王公  
 南面而獨約太子何所取邪議者南尊改就西面轉君位  
 更非合禮方面既少難為節文東西二面君臣通用太子  
 宜然於禮為允魏收議云去天保初皇太子監國冬會羣  
 官於西園都亭坐從東面義取於向中宮臺殿故也二年  
 於宮冬會坐乃東而收竊以為疑前者遂有別議議者同  
 之邪尚書以前定東面之議復申本懷此乃國之大禮無

容不盡所見收以為太子東宮位仕於震長子之義也案  
 易八卦正位向中皇太子今居北城於宮殿為東北南面  
 而坐於義為背也前者立議據東宮為本又案東宮舊事  
 太子宴會多以西面為禮此又成證非徒言也不言太子  
 常無東南二面之坐但用之有所至如西園東面所不疑  
 也未知君臣車服有同異之議何為而發就如所云但知  
 禮有同者不可令異不知禮有異者不可令同苟別君臣  
 同異之禮恐重紙累札書不盡也子才竟執東面收執西  
 面援引經據大相往復其後竟從西面為定時議又疑官  
 吏之姓與太子名同子才又謂曰案曲禮大夫士之子不



與世子同名鄭注云若先之生亦不改漢法天子登位布名於天下四海之內無不咸避案春秋經衛石惡出奔晉在衛侯行卒之前行卒其子惡始立明石惡於長子同名諸侯長子在一國之內與皇太子於天子禮亦不異鄭言先生不改蓋以此義衛石惡宋向戌皆與君同名春秋不譏皇太子雖有儲貳之重未為海內所避何容便改人姓然事有消息不得皆同於古官吏至微而有所犯朝名從事亦是難安宜聽出宮尚書更補佗職制曰可後周制正之二日皇太子南面列軒懸宮官朝賀及開皇初皇太子勇准故事張樂受朝宮臣及京宮北面稱慶高祖謂之是

後定儀注西面而坐唯宮臣稱慶臺官不復摠集湯帝之為太子奏降章服宮官請不稱臣詔許之後齊立春日皇帝服通天冠青介幘青紗袞佩蒼玉青帶青袴青襪馬而受朝於太極殿尚書令等坐定三公郎中詣席跪讀時令訖典御酌酒卮置郎中前郎中拜還席伏飲禮成而出立夏夏季立秋讀令則施御座於中楹南向立冬如立春於西廂東向各以其時之色服儀並如春禮後齊每策秀才中書策秀才集書策考貢士考功郎中策廉良自皇帝常服乘輿出坐於朝堂中楹秀才各以班卓對其有脫誤書濫孟浪者起立席後飲墨水脫容刀



後齊宴宗室禮皇帝常服別殿西廂東向七廟子孫皆  
公服無官者單衣介幘集神武門宗室尊卑次于殿庭七  
十者二人扶拜八十者扶而不拜升殿就位皇帝與宗室  
伏皇帝坐乃興拜而坐尊者南面卑者北面皆以西為上  
八十者一坐再至進絲竹之樂三爵畢宗室避席待詔  
後復位乃行無筭爵

正晦汎舟則皇帝乘輿鼓吹至行殿升御坐乘版輿以與  
王公登舟置酒非預汎者坐於便幕

仲春令辰陳養老禮先一日三老五更齋於國學皇帝進  
賢冠玄紗衮至璧雍入摠章堂列宮縣王公之下及國老

庶老各定位司徒以羽儀武賁安車迎三老五更于國學  
並進賢冠玄服黑舄素帶國子生黑介幘青衫單衣乘馬  
從以至皇帝釋劍執珽迎於門內三老至門五更去門十  
步則降車以入皇帝拜三老五更攝齊各拜皇帝揖進三  
老在前五更在後升自右階就進三老坐五更立皇帝升  
堂北面公卿升自左階北面三公授几杖卿正履國老庶  
老各就位皇帝拜三老群臣皆拜不拜五更乃坐皇帝西  
向肅拜五更進珍羞酒食親袒割執醬以饋執爵以酌以  
次進五更又設酒醢於國老庶老皇帝升御坐三老乃論  
五孝六順典訓大綱皇帝虛躬請受禮畢而還又都下及



外州人年七十已上賜鳩杖黃帽有勅即給不為常也  
後周保定三年陳養老之禮以太傅燕國公于謹為三老  
有司具禮擇日高祖幸太學以食之事見謹傳

志第四

禮儀四

隋書

志第五

隋書

太尉揚州都督監修國史上柱國趙國公臣長孫無意等奉勅撰

禮儀五

輿輦之別蓋先王之所以列等威也然隨時而變代有不  
同梁初尚遵齊制其後武帝既議定禮儀乃漸有變革始  
永明中步兵校尉伏曼容奏宋大明中尚書左丞荀萬秋  
議金玉二輅並建碧旂象革木輅並建赤旂非時運所上  
又非五方之色今五輅五牛及五色幡旗並請准齊所尚  
青色時議所駁不行及天監三年乃改五輅旗同用赤而  
旒不異以從行運所尚也七年帝曰據禮玉輅以祀金輅

堯李

隋書

四子廿



以賓而今大祀並乘金輅詔下詳議周捨以爲金輅以之  
齋車本不關於祭祀於是改陵廟皆乘玉輅大駕則大僕  
御御法駕則奉車郎馭其餘四輅則使人執轡以朱絲爲  
之執者武冠朱衣又齊永明制玉輅上施重屋棲寶鳳皇  
綴金鈴鑠珠璫玉螭佩四角金龍銜五絲毼又畫麒麟頭  
加於馬首者十二年帝皆省之初齊武帝造大小輦並如  
輅車但無輪轂下橫轆輓梁初漆畫代之後帝令上可加  
笨轆車形如犢車自茲始也中方八尺左右開四望金爲龍  
首飾其五末謂轆轂頭及衡端也金鸞棲輓其下施重層  
必垂青雕鏤爲龍鳳象漆木橫前名爲望板其下文施三

十六橫小輿形似輅車金裝漆畫但施八橫元正大會乘  
出上殿西堂舉長亦乘之行則從後一名輿車羊車一名  
輦其上如輅小兒衣青布袴褶五瓣髻數人引之時名羊  
車小史漢氏或以人牽或駕果下馬梁貴賤通得乘之名  
曰牽子

畫輪車二乘駕牛乘用如齊制舊史之言之詳矣

衣書車十二乘駕牛漢卓蓋朱裏過江加綠油幢朱絲絡  
青交路黃金塗五末一曰副車梁朝謂之衣書車

皇太子鸞輅駕三馬左右駢朱班輪倚獸較伏鹿軾九旒  
畫降龍青蓋畫暈文駟黃金塗五末近代亦謂之鸞輅即



象輅也梁東宮初建及太子釋奠元正朝會則乘之以畫  
輪為副若常乘畫輪以輅衣書車為副畫輪車上開四望  
綠油幢朱繩絡兩箱裏飾以錦黃金塗五末

三石四品已上及列侯皆給輅車駕牛伏兔箱青油幢朱絲絡  
轂輞皆黑漆天監二年令三公開府尚書令則給鹿播輅  
後乃卓輞尚書僕射左右光祿大夫侍中中書監令祕書監則給  
鳳輅輅後乃卓輞領護國子祭酒太子詹事尚書侍中列卿散  
騎常侍給駝泥輅無後乃漆輪車騎驃騎及諸王除刺史帶  
將軍給龍雀輅以金銀飾御史中丞給方蓋輅形如小傘  
諸王三公有勲德者皆特加卓輪車駕牛形如犢車但烏

漆輪轂黃金雕裝上加青油幢朱絲絡通憶或四望上臺  
三夫人亦乘之以搦幢涅憶為副王公加禮者給油幢絡  
車駕牛朱輪華轂天監二年令上臺六宮長公主公主諸  
王太妃妃皆乘清油輿幢通憶車搦幢涅憶為副采女皇女諸王  
嗣子侯夫人皆乘赤油搦幢車以涅憶為副侍女直乘涅憶之乘  
諸王三公並乘通憶平乘車竹箕子壁仰檣榆為輞如今  
犢車相舉憶通覆上

方州刺史並乘通憶平肩輿從橫施八橫亦得金渡裝較  
天子至于下賤通乘步輿方四尺上施隱膝以及襜舉之  
無禁限載輿亦如之但不施脚以其就席便也優禮者人



輿以升殿司徒謝朓以脚疾優之

五牛旗左青赤右白黑黃居其中蓋古之五時副車也舊有五色立車五色安車合十乘名爲五時車建旗十二各如車色立車則正豎其旗安車則斜注馬亦隨五時之色白馬則朱其鬣尾左右駢駮金燄鏤錫黃屋左纛縣如金根之制行則從後名五時副車晉過江不恒有事則權以馬車代之建旗其上後但以五色木牛象車豎旗於牛背使人輿之旗常纏不舒唯天子親戎乃舒其旆周遷以爲晉武帝平吳後造五牛之旗非過江始爲也

指南車大駕出爲先啓之乘漢初置俞兒騎並爲先驅左

太冲曰俞騎騁路指南司方後廢其騎而存其車

記里車駕牛其中有木人執槌車行一里則打一槌

鼓吹車上施層樓四角金龍銜旒蘇羽葆凡鼓吹陸則樓車水則樓船在殿庭則畫筥爲樓樓上有翔鷲爲樓鳥或爲鵠形

陳承梁末王琳縱火延燒車府至天嘉元年勅守都官尚書寶安侯到仲舉議造玉金象革木等五輅及五色副車皆金薄交龍爲輿倚較文龍伏軾蚪首銜軛左右吉陽當鸞雀立衡楯文畫轡綠油蓋黃紵裏相思橈金華末斜注旂旗於車之左各依方色加紫戟於車之右鞞以鞞繡之



衣獸頭幡長丈四尺懸於戟杪玉整正副同駕六馬餘輅  
皆駕四馬馬並黃金為義擊插以翟尾玉為鏤錫又以綵  
畫赤油長三尺廣八寸繫兩軸頭古曰飛輅改以綵畫  
蟬幡綴兩軸頭即古飛輅遺象也五輅兩箱後皆用玳瑁  
為鸚鵡加以金銀雕飾故俗人謂之金鷄車兩箱之裏衣  
以紅錦金花帖釘上用紅紫錦為後檐青絞純帶夏用  
簞冬用綺繡褥此後漸修具依梁制

後魏天興初詔儀曹郎董謚撰朝饗儀始制軒冕未知古  
式多違舊章孝文帝時儀曹令李韶更奏詳定討論經籍  
議改正之唯備五輅各依方色其餘車輦猶未能具至熙

平九年明帝又詔侍中崔光與少文曹豆王延明博士崔瓚採  
其議大造車服定制五輅並駕五馬皇太子乘金輅朱蓋  
赤質四馬三公及王朱屋青表制同於輅名曰高車駕三  
馬庶姓王侯及尚書令僕已下列卿已上並給輅車駕用  
一馬或乘四望通幟車駕一牛自斯以後條章粗備北齊  
咸取用焉其後因而著令並無增損

王庶姓王儀同三司已上親公主雉尾扇紫傘皇宗及三  
品已上官青傘朱裏其青傘碧裏達於士人不禁

正從第一品執事官散官及儀同三司諸公主得乘油色  
朱絡網車車牛飾得用金塗及純銀二品三品得乘卷通



幟車車牛飾用金塗四品已下七品已上得乘偏幟車車牛飾用銅

尚書令給哄士十五人左右僕射御史中丞各十二人周氏設六官置司輅之職以掌公車之政辨其名品與其物色

皇帝之輅十有二等一曰蒼輅以祀昊天上帝二曰青輅以祀東方上帝三曰朱輅以祀南方上帝及朝日四曰黃輅以祭地祇中央上帝五曰白輅以祀西方上帝及夕月六曰玄輅以祀北方上帝及感帝祭神州此六輅通漆之而已不用他物為飾皆䟽面流就以方色俱十有二疏面皮

當顛七曰玉輅以享先皇加元服納后八曰碧輅以祭社稷享諸先帝大貞於龜食三老五更享食諸侯及耕籍九曰金輅以祀星辰祭四望視朝大射賓射饗食羣臣巡犧牲養國老十曰象輅以望秩羣祀視朝燕諸侯及羣臣燕射養庶老適諸侯家巡省臨太學幸道法門十一曰革輅以巡兵即戎十二曰木輅以田獵行鄉畿此六輅又以六色漆而畫之用玉碧金象革物以飾諸末皆錫面金鈎就以五采俱十有二錫面鏤金當顛鈎以屬勒鞶纓

皇后之車亦十二等一曰重翟以從皇帝重翟羽祀郊為車蕃祀郊二曰厭翟以祭陰社次其也三曰翟輅



以採桑翟羽四曰翠輅以從皇帝見賓客翟羽五曰雕輅

以歸寧刻諸末也六曰篆輅以臨諸道法門篆諸六輅皆錫面

朱總總以朱絲為之置馬勒直兩耳與兩鑣也金鈎七曰蒼輅以適命婦家八

曰青輅九曰朱輅十曰黃輅十一曰白輅十二曰玄輅五

時常出入則供之六輅皆䟽面績總以畫縵為之

諸公之輅九方輅各象方之色碧輅金輅皆錫面般車纓九就金

鈎象輅犀輅貝輅革輅篆輅木輅皆䟽面般車纓九就凡就

皆以朱白蒼三采諸侯自方輅而下八又無碧輅諸伯自

方輅而下七又無金輅諸子自方輅而下六又無篆輅諸

男自方輅而下五又無犀輅凡就各如其命

諸公夫人之輅車九厭翟翟輅翠輅皆錫面朱總金鈎雕

輅篆輅皆白勒面刻白黑韋為當顯績總朱輅黃輅白輅皆雕

面刻漆韋為當顯駑總青黑色縵其著如朱總諸侯夫人自翟輅而下八諸

伯夫人自翠輅而下七諸子夫人自雕輅而下六諸男夫

人自篆輅而下五鞶纓就數各視其君

公孤卿大夫皆以中之色乘祀輅士乘祀車

三公之輅車九祀輅犀輅貝輅篆輅木輅夏篆夏纓墨鞶

鞶車自篆已上金塗諸末䟽錫鞶纓金鈎木輅已下銅飾

諸末䟽鞶纓皆九就三孤自祀輅而下八無犀輅六卿自

祀輅而下七又無貝輅上大夫自祀輅而下六又無篆輅



中大夫自祀輅而下五又無木輅下大夫自祀輅而下四  
又無夏篆士車三祀車墨車駃車凡就各如其命之數自  
孤下就以朱綠二采

三妃三公夫人之輅九篆輅朱輅黃輅白輅玄輅皆勒面  
續總夏篆夏縵墨車駃車皆雕面鷲總三式三孤內子自  
朱輅已下八六嬪六卿內子自黃輅而下七上媛婦中大  
夫孺人自玄輅而下五下媛婦大夫孺人自下篆而下四  
御婉士婦人自夏縵而下三其輦纓就各以其等皆篋第  
漆之君以赤卿大夫士以玄君駕四三輅六纒外大夫駕  
三二輅五纒士駕二一輅四纒

輅之制重輪重較而缺耳焉皇帝皇后之輅輿廣六尺有  
六寸輪高七尺畫輪駃輅衛以雲牙箱軾以虛文虛內畫  
以雜獸獸伏軾鹿倚較諸侯及夫人命夫命婦之輅車廣  
六尺有二寸輪崇六尺有六寸畫較以雲牙軾以虛文虛  
內畫以雲華鹿倚較士不畫后夫人內子已下同去獸與鹿  
○凡旗太常畫三辰日月星旃畫青龍皇帝升龍旗畫朱雀  
旌畫黃麟旗畫白獸旒畫玄武皆加雲其禮物在軍亦書  
其事號加之以雲氣徽幟亦如之通帛為旌雜帛為物在  
軍亦書其人官與姓名  
之事號徽幟亦書之  
但畫其所書之例旌節又畫白獸而析羽於其上  
司常掌旗物之藏通帛之旗六以供郊丘之祀一曰蒼旗



二曰青旗三曰朱旗四曰黃旗五曰白旗六曰玄旗畫續  
之旗六以充玉輅之等一曰三辰之常二曰青龍之旗三  
曰朱鳥之旗四曰黃麟之旗五曰白獸之旗六曰玄武之  
旄皆左建旗而右建闕戟又有繼旗四以施軍旅一曰麾  
以供軍將二曰旛以供師帥三曰旂以供旅帥四曰旆以  
供倅長諸公方輅碧輅建旂金輅建旗象輅建物木輅建  
旄諸侯自金輅而下如諸公之旗諸伯自象輅而下如諸  
侯之旗諸子自犀輅而下如諸伯之旗諸男自象輅而下  
如諸子之旗二公犀輅具輅篆輅建旒木輅建旄夏篆夏  
縵及輅車建物孤卿已下各以其等建其旗

旌杠皇帝六刃諸侯五刃大夫四刃士三刃

旒皇帝曳地諸侯及軹大夫及轂士及軫凡注毛於杠首

曰綏析羽曰旌全羽曰旛其慘皇帝諸侯加以弧韞闕戟

方六尺而被之以黻唯皇帝諸侯輅建焉闕戟杠綱與旗同車之

蓋圓以象天輿方以象地輪輻三十以象日月蓋橑二十

有八以象列宿設和鸞以節趨行被旗旒以表貴賤其取

象也大其彰德也明是以王者尚之

皇帝皇后在喪之車五一曰木車初喪乘之二曰素車卒

哭乘之三曰藻車既練乘之四曰駝車祥而乘之五曰漆

車禫而乘之及平齊得其輿輅藏於中府盡不施用至大



象初遣鄭譯閱視武庫得魏舊物取尤異者並加雕飾分給六宮有乾象輦羽葆圓蓋畫日月五星二十八宿天街雲罕山林奇怪及遊麟飛鳳朱雀玄武騶虞青龍駕二十四馬以給天中皇后助祭則乘又有大樓輦車龍輦十二加以玉飾四轂六衡方輿圓蓋金鷄樹羽寶鐸旒蘇鸞雀立衡六螭龍銜輓建太常畫升龍日月駕二十牛又有象輦左右金鳳白鹿仙人羽葆旒蘇金鈴玉佩初駕二象後以六駝代之并有遊觀小樓等輦駕十五馬車等合十餘乘皆魏天興中之所制也宣帝至是咸復御之復令天下車皆以渾成木爲輪

元年内史令李德林奏周魏輿輦乖制請皆廢毀高祖從之唯留魏太和時儀曹令李韶所製五輅齊天保所遵用者又留魏熙平中太常卿穆紹議皇后之輅其從祭則御金根車親桑則御雲母車並駕四馬歸寧則御紫闥車遊行則御安車弔問則御紺罽輦車並駕三馬於後著令制五輅

五輅青質以玉飾諸末重箱盤壘左青龍右白虎金鳳翅畫虞文鳥獸黃屋左畫懸金鳳在軾前八鸞在衡二鈴在軾前輦前設鄧塵青畫黃裏繡飾博山鏡子樹羽輪皆朱斑重牙左建旗十有二旒慘旒皆畫升龍其長曳地右載闌



戰長四尺廣三尺徽文旂首金龍頭銜結綬及鈐綵馬蒼

龍金罽方鉉插翟尾五隼鏤錫鑿纓十有二就錫馬當顯

鞞馬大帶纓馬鞞比皆以五彩祭祀納石則供之

金輅赤質以金飾諸末左建旗右建闌戟旗畫鳥隼餘與玉輅

同駕赤駟朝覲會同饗射飲至則供之

象輅黃質以象飾諸末左建旗右建闌戟旗畫黃麟駕黃駟行

道則供之

革輅白質輓之以革左建旗右建闌戟旗畫白獸駕白輅巡守

臨軍事則供之

木輅漆之左建旒右建闌戟旒畫駕黑駟田獵則供之五

輅之蓋旌旗之質及鞞纓皆從輅之色蓋之裏俱用黃其

鏤錫五輅同

安車飾重輿曲壁紫油纁朱裏通幃朱絲絡網朱鞞纓朱

履髮具絡駕赤駟臨幸則供之

四馬車制同金飾青油纁朱裏通幃拜陵臨弔則供之

皇后皇太后重翟青質金飾諸末朱輪金根朱牙其箱飾

以重翟羽青油纁朱裏通幃繡紫帷朱絲絡網繡紫絡帶

八鑿在衡錫鞞纓十二就金罽方鉉插翟尾朱總以朱

馬纓而小者馬勒駕蒼龍受冊從郊禘享廟則供之

在兩耳兩鑿也厭翟亦質金飾諸末輪畫朱牙其箱飾以次翟羽紫油纁

堯本

堯本

堯本



朱裏通幟紅錦帷朱絲絡網紅錦絡帶其餘如重翟駕赤駟親祭則供之

翟車黃質金飾諸末輪畫朱牙其車側飾以翟羽黃油纒黃裏通幟白紅錦帷朱絲絡網白紅錦絡帶其餘如重翟駕黃駟歸寧則供之諸鞶纓之色皆從車質

安車赤質金飾紫通幟朱裏駕四馬臨幸及弔則供之

皇太子金輅赤質金飾諸末重較箱畫虞文鳥獸黃屋伏鹿軾龍轡金鳳一在軾前設郵鹿采善舞裏輪畫朱牙建旂九旒右載闕戟旂首金龍頭銜結綬及鈴綏駕赤駟

四八鑿在衡二鈴在軾金鈿方鈿揮翟尾五隼鏤鈿鞶纓

九就從祀享正及大朝納妃則乘之

輅車金飾諸末紫通幟朱裏駕一馬五日常朝及朝饗宮臣出入行道乘之

四望車金飾諸末紫油纒通幟朱裏朱絲絡網駕一馬弔臨則乘之

公及一品象輅黃質以象飾諸末建旗畫以鳥隼受冊告廟升壇上任親迎及葬則乘之

侯伯及二品三品革輅白質以革飾諸末建旗畫以熊獸受冊告廟親迎及葬則乘之

子男及四品木輅黑質以漆飾之建旒畫以龜蛇受冊告



廟親迎及葬則乘之

象輅已下旒及就數各依爵品雖依禮製名未及創造開皇三年閏十二月並詔停造而盡用舊物至九年平陳又得輿輦舊著令者以付有司所不載者並皆毀棄雖從儉省而於禮多闕十四年詔又以見所乘車輅因循近代事非經典令更議定於是命有司詳考故實改造五輅及副玉輅青質祭祀乘之金輅赤質朝會禮還乘之象輅黃質臨幸乘之革輅白質戎車乘之木輅玄質耕籍乘之五輅皆朱斑輪龍輈重輿建十二旒並畫升龍左建闐戟旒旒與輅同色樊纓十有二就玉五等開國第一第二品及刺

史輅朱質朱蓋斑輪左建旂旂畫龍一升一降右建闐戟第三第四品輅朱質朱蓋左建旌通帛為之旂旌皆赤其旒及樊纓就數各依其品大業元年更製車輦五輅之外設副車詔尚書令楚公楊素吏部尚書竒章公牛弘工部尚書安平公宇文愷內史侍郎虞世基禮部侍郎許善心太府少卿何稠朝請即閻毗等詳議奏決於是審擇前朝故事定其取捨云

玉輅禋祀所用飾以玉白武通云玉輅大輅也周禮巾車氏所掌鏤錫樊纓十有再就建太常十有二旒虞氏謂之鸞車夏后氏謂之鈎車殷謂之大輅周謂之乘輅大戴禮



著其形式上蓋如規象天二十八棹象列星下方輿象地三十輻象一月前視則覩鑿和之聲側觀則覩四時之運昔成湯用而郊祀因有山車之瑞亦謂桑根車蔡邕獨斷論漢制度凡乘輿車皆有六馬羽蓋金瓜黃屋左纛鏤麥方鈇重轂繁纓黃繒為蓋裏也左纛以旄牛尾建於竿上其大如斗立于左駢也鏤麥高闊各五寸上如傘形施於髮上而插翟尾也方鈇當顛蓋馬冠也繁纓膺前索也重轂重施轂也應劭漢官大輅龍旂畫龍於旂上也董巴志謂為瑞山車秦謂金根即殷輅矣司馬彪志亦云漢備五輅或謂德車其所駕馬皆如方色唯晉太常卿摯虞獨疑大輅謂非玉

輅摯虞之說理實可疑而歷代通儒混為玉輅詳其施用義亦不殊左建太常案釋名日月為常畫日月於旗端言常明也又云自夏始也奚仲為夏車正加以旂常於是旒就有差用明尊卑之別也董巴所述全明漢制天子建太常十二旒曳地日月升龍象天明也今之玉輅參用崔異消息取捨裁其折中以青為質玉飾其末重箱盤輿左龍右獸金鳳翅畫虞文輓左立纛縣金鳳一在軾前八鸞在衡二鈴在軾龍輶之上前設鄣塵畫青蓋黃裏繡游帶金博山綴以鏡子下垂八佩樹四十葆羽輓皆朱斑重牙復轄左建太常十有二旒皆畫升龍日月其長曳地右載闐戟長



四尺闊二尺徽文旗首金龍頭銜鈴及綵垂以結綬駕蒼  
龍金鑿方鉉挿翟尾五雉鏤錫盤纓十有二就皆五纒屬  
以爲文飾天子祭祀納后則乘之馭士二十八人餘輅准此  
○副車案蔡邕獨斷五輅之外乃復設五色安車立車各  
一乘皆駕四馬是爲五時副車俗人名曰五帝車者蓋副  
車也故張良狙擊秦皇帝誤中副車漢家制度亦備副車  
司馬彪云德車駕六後駕四是爲副車魏志亦云天子命  
太祖駕金根六馬設五時副車江左乃闕至梁始備開皇  
中不置副車平陳得之毀而弗用至是復並設之副王輅  
色及旗章一同正輅唯降二等駕用四馬馭士二十四人

餘四副准此

金輅案尚書即綴輅也周官金輅鏤錫繁纓九就建大旂  
以賓同姓以封夫禮窮則通下得通於上也故天子乘之  
接賓宴同姓諸侯受而出封是以漢太子諸王皆乘金輅  
反安車並朱斑輪倚獸較伏鹿軾黑櫛文畫藩青蓋金華  
施檢朱畫轅金塗飾非皇子爲王不錫此乘皆左右驂駕  
三馬旂九旒畫降龍皇孫乘綠車亦駕之魏晉制太子及  
諸王皆駕四馬依摯虞議天子金輅次在第二又云金輅  
以朝象輅以賓則是晉用輅與周異矣宋起居注泰始四  
年尚書令建安王休仁議天子之元子士也故齒胃於辟



雍欲使知教而後尊不得生而貴矣既命之後禮同上公  
故天子賜之金輅但減旂章為等級象及革木賜異姓諸  
侯在朝卿士亦准斯例此則皇太子及帝子王者通得乘  
之自晉過江王公以下車服卑雜唯有太子禮秩宗異又  
乘山石安車義不經見事無所出賜金輅者此為古制降  
乘輿二等駕用四馬唯天子五輅通駕六馬旗旌旗旒並  
十二旒左建旗樂爾雅錯革鳥曰旗郭璞云此謂全羽鳥  
皮毛置之竿上也舊說刻為董鳥孫叔敖云革急也言畫  
急疾鳥於旒上也周官所謂鳥隼為旗亦是急義今之金  
輅亦質黃金飾諸末左建旗畫飛隼右建闕戟鞞輿鳳

翅冠並同玉輅駕赤駟臨朝會同饗射飲至則用之皇太  
子輅古者金飾宋齊以來並乘象輅宇文愷閭毗奏案宋  
大明六年初備五輅有司奏云秦改周輅創制金根漢魏  
因循其形莫改而金玉二輅雕飾略同造次瞻觀殆無差  
別若錫於東儲在禮嫌重非所以崇峻陛級表示等威今  
皇太子宜乘象輅碧旂九葉進不斥尊退不逼下酌時公  
古於禮為中觀宋此義乃無副車新置五輅金玉同體至  
象已下即為差降所以太子不得乘金輅欲示等威故令  
給象人取周禮之名依漢家之制天子五輅形飾並同旒  
及鞞系纓例皆十二黃屋左纁金根重轂無不悉同唯應五



方色以爲殊耳若用此輅給於太子革木盡皆不可何況  
金象者乎既製副車駕用四馬至於金輅自有等差春  
秋之義降下以兩今天子金輅駕用六馬十二旒太子金  
輅駕用四馬降龍九旒制頗同於副車又有旌旗之別并  
嫡皇孫及親王等輅並給金輅而減其雕飾合於古典臣  
謂非嫌制曰可於是太子金輅赤質制同副車具體而小  
亦駕四馬馭士二十人皇嫡孫金輅綠質降太子一等去  
盤輿重轂轅上起箱末以金飾旌長七刃七旒駕用四馬  
馭士二十八人親王金輅以赤爲質餘同於皇嫡孫唯在  
其國及納妃親迎則給之常朝則乘象輅

象輅案尚書卽先輅也周禮象輅朱旒五就建大赤以  
朝異姓以封左建旌案爾雅注旌首曰旌許慎所說游車  
載旌廣雅云天子旌高九刃諸侯七刃大夫五刃周書王  
會張羽鳧旌禮記云龍旂九旒天子之旌也今象輅以黃  
爲質象飾諸末左建旌畫綠麟右建闌戟駕黃駟祀后土  
則用之

革輅案釋名天子車也周禮革輅龍勒條纓五就建大白  
用之卽戎以封四衛古者革輅而漆之更無他飾又有戎  
輅之革廣車之革闕車之革輕車之革此皆兵車所謂五  
戎然革輅亦名戎輅天子在軍所乘廣車橫陣車也闕車



補闕車也飾並以革故師供革車各以其革摯虞議云革  
輅第四左建旒案釋名熊獸為旗周官龍旂九旒以象大  
火今革輅白質鞅之以革左建旗畫騶虞右建闌戟駕白  
駱巡守臨兵則用之三品已下並乘革輅朱色為質駮  
十六人

木輅案尚書即次輅也周官木輅緇樊鵠纓建麾以旼以  
封藩國晉摯虞云旼輅第五唯宋泰始詔乘木輅以耕稼  
徐爰釋疑略曰天子五輅晉遷江左闕其三唯有金輅以  
郊木輅即戎宋大明時始備其數

凡五輅之蓋旌旗之質及鞅纓皆從方色蓋裏並黃雅  
飾如一沈約曰金象革木禮圖不載其形今旒數羽葆並  
同玉輅左建旒案周官龜蛇為旒釋名云龜知氣兆之吉  
凶也許慎云旒有四旒以象宮室今木輅黑質漆之左建  
旒畫玄武右建闌戟駕黑駮旼獵用之四品方伯乘木輅  
赤質駕士十四人

安車案禮卿大夫致事則乘之其制如輜駟蔡邕獨斷有  
五色安車皆畫輪重轂今畫輪重輿曲轡紫油幢絳裏通幟朱絲絡網  
赤鞅纓加馬四馬省問臨幸則乘之皇太子安車斑輪赤質  
制略同乘輿亦駕四馬

四望車案晉中朝大駕鹵簿四望車駕牛中道東宮舊儀



皇太子及妃皆有畫輪四匹車今四匹車制同犢車黃金飾青油幢朱裏紫通幟紫絲網駕一牛拜陵臨弔則用之皇太子四望車綠油幢青通幟朱絲絡網

耕根車案沈約云親幸耕籍御之三蓋車一名芝車又名耕根車置耒耜於軾上即潘岳所謂紺較屬於金耜者也開皇無之駕出親耕則乘木輅蓋依宋泰始之故事也今耕根車以青囊盛耒而加於上籍千畝行三推禮則親乘其軾平以青囊盛耒而加於上籍千畝行三推禮則親乘焉

羊車案晉司隸校尉劉毅奏護軍羊琇私乘者也開皇無

之至晉是始直焉其制如輅車金寶飾紫錦幟朱絲網又馬

二十人皆兩鬢髮髻服青衣取年十四五者為謂之羊車小

史駕以果下馬其大如羊屬車案上皇諸侯貳車九乘秦

滅九國兼其車服故為八十一乘漢遵不改武帝祠太一

甘泉則畫用之明帝上原缺又用之法駕二十六乘小駕

十二乘開皇中大駕十二乘法駕減半大業初屬車備八

十一乘並如犢車紫通幟朱絲絡網黃金飾駕一牛在鹵

簿中單行正道至三年二月帝嫌其多問起部郎閻毗毗

曰臣共守文愷參詳故實此起於秦遂為後式故張衡賦

云屬車九九是也次及法駕三分減一此漢制也故文帝



紀奉天子法駕迎代邸如淳曰屬車三十六乘是也又據  
宋孝建時有司奏議晉遷江左唯設五乘尚書建平王  
宏曰八十一乘無所准憑江左五乘儉不中禮但帝王旂  
旒之數舊日用十二今宜准此設十二乘開皇平陳因以為  
法今憲章往古大駕依秦法駕依漢小駕依宋以為差等  
帝曰大駕宜用三十六法駕宜用十二小駕除之可也  
輦案釋名人所輦也漢成帝游後庭則乘之徐爰釋  
問云天子御輦侍中陪乘今輦則象輶車而不施輪通輿  
朱絡飾以金玉用人荷之

副輦車加竿制如輶車亦通輿朱絡謂之蓬輦自梁武帝

始也

輿案說文云篋竹輿也周官甸甸人上輿漢室制度以雕  
為之方徑六尺今輿制如輦車而但小耳宮苑宴私則御之  
○小輿輿方形同帳帳自閣出升上殿則御之

輶車案六韜一名遙車蓋言遙遠四顧之車也漢武帝迎  
申公弟子二人乘輶傳從此又是馳傳車也晉呂因漢御  
史輶車行中道晉公卿禮秩云尚書令輶黑耳後戶令輶  
車青通輿加馬二馬王侯入學五品朝婚通給之司隸刺史  
及縣令詔使品第六七則並駕一馬

輶車案魏武書贈楊彪七香車二乘用牛駕之蓋輶車也



長沙耆舊傳曰劉壽常乘通幟車今犢車通幟自王公已下至五品已上並給乘之三品已上青幟朱裝五品已上紺幟碧裏皆白銅裝唯有慘及弔喪者則不張幟而乘鐵裝車六品已下不給任自乘犢車弗許施幟初五品已上乘偏幟車其後嫌其不美停不行用以皂幟代之三品已上通幟車則青壁一品輶車油幟朱網唯車輅一等聽勅始得乘之

馬珂三品已上九子四品七子五品五子

皇后重翟車案周禮皇后亦有五輅一曰重翟二曰厭翟三曰安車四曰翟車五曰翟車漢制后法駕乘重翟車今

重翟青質金飾諸末畫輪金根朱牙重轂其箱飾以重翟羽青油幢朱裏通幟紫繡帷朱絲絡紫繡帶八鑿在衡鏤錫鞶纓十有二就金髮方釳插翟尾朱總綴於馬勒及兩金鏤之上駕蒼龍受冊從祀郊禘享廟則供之

厭翟赤質金飾諸末朱輪畫朱牙其箱飾以次翟羽紫油幢朱裏通幟紅錦帷朱絲絡網紅錦帶其餘如重翟駕赤駟採桑則供之

翟車黃質金飾諸末輪畫朱牙其箱飾以翟羽黃油幢黃裏通幟白紅錦帷朱絲絡網白紅錦帶其餘如重翟駕黃駟歸寧則供之諸鞶纓之色皆從車質



安車金飾紫通幟朱裏駕四馬臨幸及弔則供之  
輦車金飾同於蓬輦通幟斑輪駕用四馬宮苑近行則乘之  
皇后屬車三十六乘初宇文愷閭毗奏定請減乘輿之半  
禮部侍郎許善心奏駁曰謹案周禮后備六服并設五輅  
采章之數並與王同屬車之制不應獨異又宋孝建時議  
定輿輦天子屬車十有二乘至大明元年九月有司奏皇  
后副車未有定式詔下禮官議正其數博士王燮之議鄭  
玄云后象王立六宮亦正寢而無寢五推其所立每與王  
同謂十二乘通關爲允宋帝從之遂爲後式今請依乘輿  
不須差降制曰可

三妃乘翟車以赤爲質駕二馬九嬪已下並乘犢車青幟  
朱絡網

皇太子妃乘翟車以赤爲質駕二馬畫轅金飾犢車爲副  
紫幟朱絡網良娣已下並乘犢車青幟朱裏

三公夫人公主王妃並犢車紫幟朱絡網五品已上命婦  
並乘青幟與其夫同

志第五

禮儀五

隋書十



志第六

隋書十一

太尉揚州都督監修國史上柱國趙國公臣長孫無忌等奉勅撰

禮儀六

梁制乘輿郊天祀地禮明堂祠宗廟元會臨軒則黑介幘  
通天冠平冕俗所謂平天冠者也其制玄表朱綠裏廣七  
寸長尺二寸加於通天冠上前垂四寸後垂三寸前圓而  
後方垂白玉珠十有二旒其長齊肩以組為纓各如其綬  
色傍垂黼纁玳珠以玉瑱其衣皂上絳下前三幅後四幅  
衣畫而裳繡衣則日月星辰山龍華蟲火宗彝畫以為績  
裳則藻粉米黼黻以為繡凡十二章素帶廣四寸朱裏以



朱繡裨飾其側中衣以絳緣領袖赤皮為鞞蓋古之鞞也  
絳袴袜赤舄佩白玉垂朱黃大綬黃赤纁紺四采革帶帶  
釵纁帶以組為之如綬色黃金辟邪首為帶鐃而飾以白  
玉珠又有通天冠高九寸前加金博山述黑介幘絳紗袍  
皐緣中衣黑舄是為朝服元正賀畢還儲更衣出所服也  
其釋奠先聖則皂紗袍絳緣中衣絳袴袜黑舄臨軒亦服  
袞冕未加元服則空頂介幘拜陵則箋布单衣介幘又有  
五梁進賢冠遠遊平上幘武冠单衣黑介幘宴會則服之  
单衣白恰以代古之疑衰皮弁為弔服為群臣舉哀臨喪  
則服之

天監三年何佟之議公卿以下祭服裏有中衣即今之中  
單也案後漢輿服志明帝永平二年初詔有司採周官禮  
記尚書乘輿服從歐陽說公卿以下服從大小夏侯說祭  
服絳緣領袖為中衣絳袴袜示其赤心奉神今中衣絳緣  
足有所明無俟於袴既非聖法請不可施遂依議除之  
四年有司言平天冠等一百五條自齊以來隨故而毀未  
詳所送何佟之議禮祭服敝則焚之於是並燒除之其珠  
玉以付中署

七年周捨議詔旨以王者衮服宜畫鳳皇以示差降按禮  
有虞氏皇而祭深衣而養老鄭玄所言皇則是畫鳳皇羽



也又按禮所稱雜服皆以衣定名猶加袞冕則是袞衣而冕明有虞三皇者是衣名非冕明矣畫鳳之百事實灼然制可又王僧崇云今祭服三公衣身畫獸其要背及袖又有青獸形與獸同義應是雉即宗彝也兩袖各有禽鳥形類鸞鳳似是華蟲今畫宗彝即是周禮但鄭玄云雉屬昂鼻長尾是獸之輕小者謂宜不得同獸尋冕服無鳳應改為雉袞有圓花於禮無礙疑是畫師加葩醜耳藻米甫黻垂古制今請改正并去圓花帝曰古文日月星辰此以一辰攝三物也山龍華蟲又以山攝二物也藻火粉米又以藻攝二物也是為九章今袞服畫龍則宜應畫鳳明矣孔安國云華者花也則

為花非疑若一向畫雉差降之文復將安寄鄭義是所未允又帝曰禮王者祀昊天上帝則大裘而冕祀五帝亦如之又云莞席之安而蒲越之棠棣之用斯皆至敬無文貴誠重質今郊用陶匏與古不異而大裘蒲棣獨不復存其於質敬恐有未盡且一獻為質其翮佩之飾及公卿所著冕服可共詳定五經博士陸瑋等並云祭天猶存掃地之質而服章獨取黼黻為文於義不可今南郊神座皆用氈席此獨亮類未盡質素之理宜以棠棣為下藉蒲越為上席又司服云王祀昊天服大裘明諸臣禮不得同自魏以來皆用袞服今請依古更制大裘制可瑋等又尋大裘之制唯



鄭玄注司服云大裘羔裘也既無所出未可爲據案六冕之服皆玄上纁下今宜以玄纁爲之其制式如裘其裳以纁皆無文繡冕則無旒詔可○又東輿宴會服單衣黑介幘舊三日九日小會初出車輿服之八年帝改去還皆乘輿服白紗帽

九年司馬鈞等參議禮記玉藻云諸侯玄冕以祭禘冕以朝雜記又云大夫冕而祭於公弁而祭於已今之尚書上異公侯下非卿士止有朝衣本無冕服但既預齋祭不容同在於朝宜依太常及博士諸齋官例著卑衣絳襪中單竹葉冠若不親奉則不須入廟帝從之

十一年尚書參議按禮跣韎事由燕坐屣宜陳尊者之側今則極敬之所莫不皆跣清廟崇嚴既然惟禮凡有履行者應皆跣韎詔可

陳永定元年武帝即位徐陵白所定乘輿御服皆採梁之舊制又以爲冕旒後漢用白玉珠晉過江服章多闕遂用珊瑚雜珠飾以翡翠侍中顧和奏今不能備玉珠可用白玳從之蕭驕子云白玳蚌珠是也帝曰形制依此今天下初定務從節儉應用繡織成者並可彩畫金色宜塗珠玉之飾任用蚌也至天嘉初悉改易之定今具依天監舊事然亦往往改革今不同者皆隨事於注言之不言者蓋無



所改制云

皇太子金璽龜鈕朱綬三百二十首朝服遠遊冠金博山佩瑜

玉翠綵垂組朱衣絳紗袍皂緣白紗巾衣白曲領帶鹿盧

劍火珠首素革帶玉鉤變獸頭鞞囊其大小會祠廟朔望

五日還朝皆朝服常還上宮則朱服若釋奠則遠遊冠玄

朝服絳緣中單絳袴袜玄鳥講則著介幘又有三梁進賢

冠其侍祀則平冕九旒衮衣九章白紗絳緣中單絳繒鞞

赤鳥絳鞋若加元服則中舍執冕從皇太子舊有五時朝

服自天監之後則朱服在上省則烏帽永福省則白帽云

諸王金璽龜鈕練朱綬一百六十首朝服遠遊冠介朱衣絳

紗袍皂緣中衣素帶黑鳥佩山玄王垂組大帶獸頭鞞青

劍若加餘官則服其加官之服

開國公金章龜鈕玄朱綬二百四十首朝服紗朱衣進賢三梁冠

佩山玄玉獸頭鞞青劍

開國侯伯金章龜鈕青朱綬一百二十首朝服紗朱衣進賢三

梁冠佩水蒼玉獸頭鞞青劍

開國子男金章龜鈕青綬二百首朝服紗朱衣進賢三梁冠

佩水蒼玉獸頭鞞青劍

縣鄉亭關內關中及名號侯金印龜鈕紫綬朝服進賢二

梁冠獸頭鞞青劍關內關中及名號侯則珪鈕



關外侯銀印珪鈕青綬朝服進賢二梁冠獸頭擊鞞青劔  
諸王嗣子金印珪鈕紫綬八十首朝服進賢二梁冠佩山玄  
玉獸頭擊鞞青劔

開國公侯嗣子銀印珪鈕青綬八十首朝服進賢二梁冠佩

水蒼玉獸頭擊鞞青劔

太宰太傅太保司徒司空金章龜鈕紫綬八十首朝服進賢

三梁冠佩山玄玉獸頭擊鞞青劔陳令加有相國丞相服制同

大司馬大將軍太尉諸位從公者金章龜鈕紫綬八十首朝

服武冠佩山玄玉獸頭擊鞞青劔直將軍則不帶劔

凡公及位從公言以將軍及以左右光祿開府儀同者各隨本位號其文則曰某位號議同之章

五等諸侯助祭郊廟皆平冕九旒青玉為珠有前無後各  
以其綬色為組纓旁垂鞋纒衣玄上纁下畫山龍已下九  
章備五采大佩赤烏胸履錄尚書無章綬品秩悉以餘官  
摠司其任服則餘官之服猶執笏紫荷其在都坐則東面  
最上

尚書僕射尚書銅印墨綬朝服納言幘進賢冠佩水蒼

玉尚書則擊鞞紫荷執笏陳尚書令僕射金章龜鈕紫綬無印綬及

擊餘並同梁

侍中散騎常侍通直常侍負外常侍朝服武冠貂蟬侍中

常侍皆擊鞞佩水蒼玉其負外常侍不給佩舊皇尊朝會登殿侍中



常侍夾御御下輿則扶左右侍中駸乘則不帶劍

中書監令祕書監銅印墨綬朝服進賢兩梁冠佩水蒼玉

青劍獸頭鞞陳制銀章龜鈕青綬八十首獸頭鞞青劍餘同梁

左右光祿大夫皆與加金章紫綬同其但加金紫者謂之

金紫光祿但加銀青者謂之光祿大夫陳令有特進進賢二梁冠朝服佩水

蒼玉青劍

光祿太中中散大夫太常光祿弘訓太僕太僕廷尉宗正

大鴻臚大司農少府大匠諸卿丹陽尹太子保傅大長秋

太子詹事銀章龜鈕青綬獸頭鞞朝服進賢冠二梁佩水

蒼玉卿大夫助祭則冠平冕五旒黑玉為珠首前無後各

以其綬采為組纓旁垂鞋纊衣玄上纁下畫華蟲七章皆

佩五采大佩赤鳥胸履陳宮卿改云慈訓餘皆同

驃騎車騎衛將軍中軍冠軍輔國將軍四方中郎將金章

紫綬中郎將朝服武冠佩水蒼玉陳令鎮衛驃騎車騎中

征四鎮四安四翊四平將軍金章獸鈕其冠軍四方中郎

將金章豹鈕並紫綬八十首獸頭鞞朝服武冠佩水蒼玉

自中軍已下諸將軍及冠軍領護軍中領護軍五營校尉

銀印青綬朝服武冠佩水蒼玉獸頭鞞其屯騎夾御日假

給佩餘校不給陳令領護金章龜鈕紫綬八十首中領護

珪不給佩餘並同梁弘訓衛尉衛尉陳宮卿云慈訓服司隸校尉陳無左右衛



驍騎游擊前左右後軍將軍龍驤寧朔建威振威奮威揚  
威廣威武威建武振武奮武揚武廣武等將軍積弩積射  
強弩將軍監軍銀章青綬朝服武冠佩水蒼玉獸頭鞞驍  
游已下並不給佩驍游夾侍日假給陳令左右衛銀章龜  
鈕不給劍左右驍騎  
游擊雲騎游騎前左右後軍將軍左右中郎將銀印珪鈕  
餘服飾同梁亦官不給佩其驍游雲騎夾御日假給其積  
弩積射強弩銅印環鈕墨綬帶劍餘服同梁又有忠武軍  
師武臣爪牙龍騎雲麾鎮兵胡帥宣惠宣毅智威仁威勇  
威信威嚴威智武仁武勇武信武嚴武金章豹鈕紫綬八  
十首官不給輕車鎮朔武旅貞毅朔威寧遠安遠征遠振  
遠宣遠等將軍金章龜鈕紫綬  
並獸頭鞞朝服武冠佩水蒼玉

國子祭酒卑朝服進賢二梁冠佩水蒼玉

御史中丞都水使者銀印墨綬朝服進賢二梁冠獸頭鞞

署劔佩水蒼玉

陳中丞銀章龜鈕青綬八十首二梁冠餘  
同梁其都水陳梁改為太舟卿服在諸卿

見中

謁者僕射銅印環鈕墨綬八十首朝服高山冠獸頭鞞佩水

蒼玉署劔

諸軍司銀章龜鈕青綬朝服武冠獸頭鞞

給事中黃門侍郎散騎通直負外散騎侍郎奉朝請太子

中庶子庶子武衛將軍武騎常侍朝服武冠署劔陳令庶  
子已上

簪筆其武衛不劔正  
直夾御白布袴褶

中書侍郎朝服進賢一梁冠署劔冗從僕射太子衛率銅

印墨綬獸頭鞞朝服武冠

陳衛率銀章龜鈕青綬不劔冗  
從銅印環鈕墨綬署劔餘並同梁



武賁中郎將羽林監銅印環鈕墨綬朝服武冠獸頭鞞

鞞其  
在陛下及備鹵簿著駝尾絳紗縠單衣

護匈奴中郎將護羌戎夷蠻越烏丸西域校尉銀印珪鈕

青綬朝服武冠獸頭鞞陳令無此官其庶子鎮蠻寧蠻平戎西戎校尉平越中郎將服章同

安夷撫夷護軍州郡國都尉奉車駙馬騎都尉諸護軍銀

印珪鈕青綬獸頭鞞朝服武冠陳安遠鎮蠻護軍州郡國都尉奉車駙馬騎都尉諸

護軍服章同無餘文

州刺史銅印墨綬獸頭鞞鞞鞞絳朝服進賢二梁冠陳銅章龜鈕青綬

郡國太守相內史銀章龜鈕青綬獸頭鞞單衣介幘加中

二千石依卿尹冠服劔佩

尚書左右丞秘書丞銅印環鈕黃綬獸頭鞞朝服進賢二

梁冠

尚書祕書著作郎太子中舍人洗馬舍人朝服進賢二梁

冠鞞鞞

諸王友文學朱服進賢一梁冠陳令諸王師服同

治書侍御史侍御史朝服鞞鞞法冠治書侍御史則有銅印環鈕墨綬陳又有

殿中蘭臺侍御史朝服法冠鞞鞞鞞鞞

諸博士給早朝服進賢兩梁冠佩水蒼玉

太學博士正限八人著佩限外六人不給



廷尉律博士無佩並簪筆

國子助教早朝服進賢一梁冠簪筆

公府長史獸頭簪筆諸卿尹丞黃綬獸爪簪筆

諸縣署冬秩千石者獸爪簪筆銅印環鈕黑綬朝服進賢兩

梁冠長史未服諸卿尹丞建康令玄服

公府掾屬主簿祭酒朱服進賢一梁冠公府令史亦同

領護軍長史朱服獸頭簪筆諸軍長史單衣介幘獸頭簪筆

諸卿部丞獄丞並早朝服一梁冠黃綬獸爪簪筆

太子保傅詹事丞早朝服一梁冠簪筆獸爪簪筆黃綬

郡國相內史丞長史單衣介幘長史獸頭簪筆其丞黃綬獸

爪簪筆

諸縣署令長相單衣介幘獸頭簪筆銅印環鈕黑綬朝服進

賢一梁冠諸署令朱衣武冠州都大中正郡中正單衣介

幘

太子門大夫獸頭簪筆陵令長獸爪簪筆銅印環鈕黑綬朝服

進賢一梁冠令長朱服率更家令僕朝服兩梁冠獸頭簪

要青劔

黃門諸署令僕長丞朱服進賢一梁冠銅印環鈕黑綬丞

黃綬黃門冗從僕射監太子寺人監銅印環鈕黑綬朝服

武冠獸頭簪筆



公府司馬領護軍司馬諸軍司馬護匈奴中郎將護羌戎  
夷蠻越烏丸戊巳校尉長史司馬銅印環鈕墨綬獸頭盤

朝服武冠諸軍司馬單衣平巾幘長史介幘陳令公府司馬領護軍司

馬諸軍司馬鎮安蠻安遠護軍蠻戎越校尉中郎將長史司馬其服章與梁官同

公府從事中郎朱服進賢二梁冠諸將軍開府功曹主簿  
單衣介幘鞶帶廷尉建康正監平銅印環鈕墨綬皂夾辟  
朝服法冠獸爪鞶

左右衛司馬銅印環鈕墨綬單衣帶平巾幘獸頭盤

諸府參軍單衣平巾幘

諸州別駕治中從事主簿西曹從事玄朝服進賢一梁冠

箬笠常公事單衣介幘朱衣

直閣將軍朱服武冠銅印珪鈕青綬獸頭盤

直閣將軍諸殿主帥朱服武冠正直絳衫從則襦褙衫

諸開國郎中令大農公傳中尉銅印環鈕青綬朝服進賢

兩梁冠中尉武冠皆獸頭盤

諸開國將軍銅印環鈕青綬朝服武冠限外者不給印陳制

黑綬餘並同梁

開國掌書中尉司馬陵廟食官廐牧長典醫典府丞銅印

常侍侍郎世子庶子謁者中大夫舍人不給印典書典祠

學官典膳丞長銅印限外者不給印



左右常侍侍郎典衛中尉司馬朝服武冠墨書典祠學官

令朝服進賢一梁冠餘悉朱服一梁冠常侍侍郎典書典祠學官令簪筆

翊

太子衛率率更家令丞銅印環鈕黃綬早朝服進賢一梁

冠獸頭簪

太子常從武賁督銅印環鈕墨綬朝服武冠獸頭簪

殿中將軍負外將軍朱服武冠

州郡國都尉司馬銅印環鈕黑綬朱服武冠獸頭簪

諸謁者朝服高山冠

中書通事舍人門下令史主書典書令史門下朝廷局書

令史太子門下通事守舍人主書典守舍人一宮齋內職

左右職局齋幹已上朱服武冠

殿中內外局監太子內外監殿中守舍人銅印環鈕朱服

武冠

內外監典事書吏朱服進賢一梁冠內監朝廷人領局典

事外監統軍隊諮詳發遣局典事武冠外監及典事書吏

悉著朱衣唯正直及齋監并受使不在例其東宮內外監殿

典事書吏依臺格五校三將將軍主事內監主事外監主

事三校主事朱服武冠

尚書都令史都水參事門下書令史集書中書尚書祕書



著作掌書主書主圖主譜典受冬史書冬史監令僕射省事蘭臺  
殿中蘭臺謁都水令史公府令史書令史太子導客次客  
守舍人及諸省典事朱衣進賢一梁冠

尚書都笮度支笮左戶校吏朱服進賢一梁冠

諸縣署丞太子諸署丞王公族諸署及公主家令丞僕銅  
印環鈕黃綬朱服進賢一梁冠太官太醫丞武冠

諸縣尉銅印環鈕單衣介幘黃綬獸爪盤鞞節騎郎諸服武  
冠其在陞列及備鹵簿者駝尾絳紗縠單衣御節郎黃鈇

郎朝服赤介幘簪筆典儀唱警唱奏事持兵王麾等諸職  
公事及備鹵簿生服武冠殿中中郎將校尉都尉銀印珪

鈕青綬朱服武冠獸頭盤鞞

城門候銅印環鈕墨綬朱服武冠獸頭盤鞞

部曲督司馬吏部曲將銅印環鈕朱服武冠司馬吏假墨

綬獸爪盤鞞

太中中散諫議大夫議郎中郎郎中舍人朱服進賢一梁

冠

諸門郎僕射佐吏東宮門吏其郎朱服僕射阜零辟朝服

進賢冠吏却非冠佐吏著進賢冠

總章協律銅印環鈕艾綬獸爪盤鞞朱服武冠

黃門後閣舍人主書齋帥監食主食主客扶持侍鼓吹朱服



武冠鼓吹進賢冠齋帥墨綬獸頭鞞

殿中司馬銅印環鈕墨綬朱服武冠獸頭鞞

總章監鼓吹監銅印環鈕文綬朱服武冠

諸四品將兵都尉牙門將崇毅材官折難輕騎揚烈威遠

寧遠宣威光威驤威威烈威虜平戎綬遠綬秋綬邊綬戎

獸威威武烈武毅武奮武討寇討虜殄難討難討夷厲武

橫野陵江鷹揚執訊蕩寇蕩虜蕩難蕩殄虜掃虜掃

難掃逆掃寇厲鋒武奮武牙廣野領兵滿五十人給銀章

不滿五十除板而已不給章朱服武冠以此官為刺史太

守皆青綬此條已下皆陳制與梁不同

典儀但帥典儀正帥朱衣武冠甘本資有殿但正帥得帶

文綬獸頭鞞殿但帥正帥文綬獸頭鞞朱服武冠殿帥羽

儀帥負外帥朱衣武冠

威雄猛烈振信勝略風力光等十威將軍武猛略勝力毅

健烈威銳勇等十武將軍並銀章能鉏青綬獸頭鞞武冠

朝服

猛毅烈威銳震進智威勝駿等十猛將軍銀章獸鉏青綬

獸頭鞞武冠朝服

壯武勇列猛銳威毅志意力等十壯將軍驍雄桀猛烈武

勇銳名勝迅等十驍將軍雄猛威明烈信武勇毅壯健等



十雄將軍並銀章羔鈕青綬獸頭般筆武冠朝服

忠勇烈猛銳壯毅捍信義勝等十忠將軍明智略遠勇烈

威勝進銳毅等十明將軍光烈明英遠勝銳命勇武野等

十光將軍威勇猛銳銳奇決起略勝出等十威將軍並銀

章鹿鈕青綬獸頭般筆武冠朝服

龍驤武視雲旌風烈電威雷音馳銳進銳羽騎突騎折衝

冠武和戎安壘起猛英果掃虜掃狄武銳摧鋒開遠略遠

貞威決勝清野堅銳輕銳拔山雲勇振旅等三十號將軍銀

印菟鈕青綬獸頭般筆朝服武冠

超武鐵騎樓船官猛樹功剋狄平虜稜威戎照威戎伏波

雄戟長劍衝冠雕

伏飛勇騎破敵剋敵威虜印鑿武毅

開邊招遠全威破下湯冠殄虜橫野馳射等三十號將軍

銅印環鈕墨綬獸頭般筆朝服武冠并左十二件將軍除並

假給章印綬初則止朱服武冠而已

其勳選除亦給章印

建威牙門期門已下諸將軍並銅印環鈕墨綬獸頭般筆

服武冠板則無印綬止冠服而已其在將官以功次轉進

應署建威已下諸號不限板除悉給印綬若武官署位轉

馳尉已上諸戎號亦不限板除悉給印綬

千人督校督司馬武賁督牙門將騎督督守將兵都尉太

子常從督別部司馬假司馬假銅印環鈕朱服武冠墨綬



獸頭般車

武猛中郎將校尉都尉銅印環鈕朱服武冠其以此官為

千人司馬道貴督已上及司馬皆假墨綬獸頭般車陳制上

梁所無及不同者

陸長甲僕射主事吏將騎廷上五竿旗假吏武貴在陸列

及備鹵簿服錦文衣武冠毳尾陸長者假銅印環鈕墨綬

獸頭般車

假旄頭羽林在陸列及備鹵簿服絳單衣上著韋蓋要首襜

假旄頭輿輦迹禽前騎由基強弩司馬給絳科單衣武冠

其本位佩武猛都尉已上印者假墨綬別部司馬已下假

墨綬並獸頭般車

殿中冗從武貴殿中武貴持銀戟冗從武貴假青綬絳科

單衣武冠陳令絳科單衣其本位職佩武猛都尉等印假輦車依前條

持椎斧武騎武貴五騎傳詔武貴殿中羽林太官嘗食武

貴稱飯宰人諸官嘗食武貴假墨綬給絳構武冠其佩武猛都尉

等位印皆依上條假輦車之例

其在陸列及備鹵簿五騎武貴服錦文衣毳尾宰人服離

支衣領軍捉刃人烏總帽袴褶皮帶

絳是羽葆眊鼓吹悉改著進賢冠外給系眊鼓吹著武冠

諸官鼓吹尚書廊下都坐門下使守藏守閣殿中威儀駟



武賁常直殿門雲龍門者門下七右部武賁羽林騶給傳  
事者諸導騶門下中書守閣尚書郎下武賁羽林騶蘭臺  
五曹節藏僕射郎下守閣威儀發符騶都水使者郎下守  
給騶謁者威儀騶諸宮謁者騶終禱武冠衣服如舊大誰  
天門吉卓科單衣樊噲冠衛士涅布禱却敵冠

諸將軍使持節都督執節史朱衣進賢一梁冠此條已下自陳制

梁所無

持節節史單衣介幘其纂戎戒嚴時同使持節節制假節節

史單衣介幘凡節跌以石為之持節皆刻為擊蟻形假節及給蠻夷節皆刻為狗頭跌

諸王典籤帥單衣平巾幘典籤書吏袴補平巾幘

諸王書佐單衣介幘

公府書佐朱衣進賢冠

諸王國舍人司理謁者閣下令史中衛都尉朱衣進賢一

梁冠司理假銅印謁者高山冠令史已下武冠

太子太傅五官功曹主簿早朝服進賢一梁冠

太子二傅門下主記錄事功曹書佐門下書佐記室帳下

督都督省事法曹書佐太傅外都督早衣進賢一梁冠

太子妃家令絳朝服進賢一梁冠

太子三校二將積弩殿中將軍衣服皆與上官官同

太子正負司馬督題閣監銅印墨綬三校內王事主章扶侍守



舍人衣帶仗局服飾衣局珍寶朝廷主衣統奏事幹內局  
內幹朱衣武冠

諸公府御屬及省事錄尚書省事太子門下及內外監丞  
典事道學祭書史次功典書函典書典經五經典書諸守  
官舍人市買清慎食官督內直兵吏宣華崇賢二門舍人  
諸門吏朱衣進賢一梁冠

太子妃傳令朱衣武冠執刀烏信幡

太子二傳騎吏玄衣赤幘武冠常行則袴褶執儀齋帥殿  
帥典儀帥傳令執刀戟主蓋扇麾纛殿上持兵車郎扶車  
注疏前床齋閣食司馬唱導飯主良殿前帥殿前威儀武

賁威儀散給使閣將鼓吹士帥副武冠絳褙案輓小輿持  
車輶車給使平巾幘黃布袴褶赤罽帶

太子諸門將涅布褙樊噲冠

太子鹵簿戟吏赤幘武冠絳褙廉帥救障禁防平巾幘白  
布袴褶靴角五音帥長麾青布袴褶岑帽絳紵帶都伯平  
巾幘黃布袴褶

文官曹幹白紗單衣介幘尚書二臺曹幹亦同

武官問記將士給使平巾幘白布袴褶

通天冠高九寸正豎頂少斜却乃直下鐵爲卷梁前有展  
簪冠前加金博山述乘輿所常服



遠游冠制似通天而前無山述有展筓橫于冠前皇太子及王者後諸王服之諸王加官者自服其官之冠服唯太子及王者後常冠焉太子則以翠羽為綵綴以白珠其餘但青絲而已

進賢冠古緇布冠遺象也斯蓋文儒者之服前高七寸後高三寸長八寸有五梁三梁二梁一梁之別五梁唯天子所服其三梁已下為臣高卑之別云

武冠一名武弁一名大冠一名繁冠一名建冠今人名曰籠冠即古惠文冠也天子元服亦先加大冠今左右侍臣及諸將軍武官通服之侍中常侍則加金

蟬馬插以

貂尾黃金為飾云

高山冠一名側注高九寸鐵為卷梁制似通天頂直豎不斜無山述展筓高山者取其矜莊實遠中外謁者僕射服之

法冠一名柱後或謂之獬豸冠高五寸以緹為展筓鐵為柱卷取其不曲撓也侍御史廷尉正監平凡執法官皆服之

鶡冠猶大冠也加雙鶡尾豎插兩邊故以名焉武賁中郎將羽林監節騎郎在陛列及鹵簿者服之長冠一名齊冠高七寸廣三寸漆纚為之制如版以竹為裏漢高祖微時



以竹皮爲此冠所謂劉氏冠後除竹用漆纒焉司馬彪曰  
長冠楚制也人間或謂之鵲尾冠非也後代以爲祭服尊  
敬之也至天監三年祠部郎沈宏議案竹葉冠是高祖爲  
亭長時所服安可繇代爲祭服哉禮士弁祭於公請令太  
常丞博士奉齋之服宜改用爵弁明山賓同宏議司馬聚  
云若必遵三王則懼所改非一長冠謂宜仍舊案今之宗  
丞博士之服未有可非帝竟不改

建華冠以鐵爲柱卷貫大銅珠九枚祀天地五郊明堂舞  
人服之

樊噲冠廣九寸高七寸前後出各四寸制似平冕凡殿門

司馬衛士服之

却敵冠高四寸通長四寸後高三寸制似進賢冠凡宮殿  
門衛士服之

却非冠高五寸制似長冠宮殿門吏僕射冠之

幘首卑貴賤皆服之文者長耳謂之介幘武者短耳謂之  
平上幘各稱其冠而制之尚書令僕射尚書幘收方三寸  
名曰納言采冠童子幘無屋施假髮者示未成人也

幘傅子云先未有歧荀文若巾觸樹成歧時人慕之因而  
弗改今通爲慶弔之服白紗爲之或單或袂初婚冠送錢  
亦服之



中國子生服白紗爲之晉太元中國子生見祭酒博士單衣  
角巾執經一卷以代手版宋末闕其制齊立學太尉王儉  
更造今形如之。帽自天子下及士人通冠之以白紗者名  
高頂帽皇太子在上省則烏紗在永福省則白紗又有繒  
阜雜紗爲之高屋下裙蓋無定准

袷褶近代服以從戎今纂嚴則文武百官咸服之車駕親  
戎則縛袷不舒散也中官紫褶外官絳褶罽皮帶以代鞶  
革

笏中世以來唯八座尚書執笏笏者白筆綴其頭以紫囊  
裏之其餘公卿但執手版荷紫者以紫生爲袂囊綴之服  
外加於左肩周遷云昔周公負成三制此衣至今以爲朝  
服蕭驕子云名契囊案趙充國傳云張子孺持囊簪筆事  
孝武帝張晏云囊契囊也近臣負囊簪筆從備顧問有  
所記也

入殿門有籠冠者著之有纓則下之緣廂行得提衣省閣  
內得著履烏紗帽入齋閣及橫度殿庭不得人提衣及提  
服飾入閣則執手板自摳衣几席不得入齋正閣介幘不  
得上正殿及東西堂儀仗繳扇有幟牽車不得入臺門臺  
官問訊皇太子亦皆朱服著襪謁諸重衣幘庶姓單衣帽  
詣三公必衣帽至黃閣下履過閣還著履



古者君臣佩玉尊卑有序綬者所以貫佩相承受也又上下施鞞如蔽膝貴賤亦各有殊五霸之後戰兵不息佩非兵器鞞非戰儀於是解去佩鞞留其繫袂而已鞞佩既廢秦乃以采組連結於袂轉相結受又謂之綬漢永用之至明帝始復制佩而漢末文亡絕魏侍中王粲識其形乃復造焉今之佩粲所制也

皇后謁廟服袿褙大衣蓋嫁服也謂之褱衣阜上阜下親蠶則青上縹下比深衣制隱領袖緣以條首飾則假髻步搖俗謂之珠松是也簪珥步搖以黃金為山題貫白珠為支相繆八爵九華能獸赤罷天鹿辟邪南山豐大特六獸諸

爵獸皆以翡翠為華綬佩同乘輿

貴妃貴嬪貴姬是為三夫人金章龜紐紫綬八十首佩于寘玉獸頭盤華

淑媛淑儀淑容昭華昭儀昭容脩華脩儀脩容是為九嬪金章龜紐青綬八十首獸頭盤華佩采瓊玉

婕妤容華充華承徽列榮五職亞九嬪銀印珪鈕艾綬獸頭盤華

美人才人良人三職散位銅印環鈕墨綬獸頭盤華

皇太子妃金璽龜紐纁朱綬一百六十首佩瑜玉獸頭盤華

良娣銀印珪鈕佩采瓊玉青綬八十首獸爪盤華



保林銀印珪鈕佩水蒼玉青綬八十獸爪般華

諸王太妃妃諸長公主公主封君金印龜鈕紫綬八十首佩

山玄玉獸頭盤華

開國公侯太夫人銀印珪鈕青綬八十首佩水蒼玉獸頭盤華

○公主三夫人大手髮七鑲蔽髻九嬪及公夫人五鑲卅

婦三鑲其長公主得有步搖公主封君已上皆帶綬以綵

組為緹帶各以其綬色金辟邪首為帶玦公特進列侯卿

校中二千石夫人

紺繒帽黃金龍首銜白珠魚須長一尺為簪珥入廟佐

祭者卓絹上下助蠶者繒絹上下皆深衣制緣自二千石

夫人已上至皇后比日以蠶衣為朝服

自晉左遷中原禮儀多缺後魏天興六年詔有司始制冠

冕各依品秩以示等差然未能皆得舊制至太和中方考

故實正定前謬更造衣冠尚不能周洽及至熙平二年太

傅清河王懼黃門侍郎韋延祥等奏定五時朝服准漢故

事五郊衣幘各如方色馬及後齊因之河清中改易舊物

著令定制云

乘輿平冕黑介幘垂白珠十二旒飾以五采玉以組為纓

色如其綬黻纁玉笄白玉爾黃赤綬五采黃赤纁綠紺純

黃質長二丈九尺五百首廣一尺二寸小綬長三尺二寸



與綬同采而首半之衮服皐衣絳裳裳前三幅後四幅織  
成爲之十二章緣絳中單織成組帶朱紱佩白玉帶鹿盧  
劍絳袴袂赤舄未加元服則空頂介幘又有通天金博山  
冠則絳紗袍皐緣中單其五時服則五色介幘進賢五梁  
冠五色紗袍又有遠遊五梁冠並不通于下四時祭廟園  
丘方澤明堂五郊封禪大雩出宮行事正旦受朝及臨軒  
拜土公皆服衮冕之服還宮及齋則服通天冠藉田則冠  
冕璪十二流佩蒼玉黃綬青帶青袜青舄拜陵則黑介幘  
白紗單衣釋奠則服通天金博山冠玄紗袍春分朝日則  
青紗朝服青舄秋分夕月則白紗朝服紺舄俱冠五梁進

賢冠合朔服通天金博山冠絳紗袍季秋講武出征告廟  
冠武弁黃金附蟬左貂襜褕宜社武弁朱衣纂嚴升殿服  
通天金博山冠絳紗袍入溫涼室冠武弁右貂附蟬絳紗  
服征還飲至服通天冠廟中遣上將則衮冕還宮則通天  
金博山冠賞祖罰社則武弁左貂附蟬元日冬至大小會  
皆通天金博山冠四時畋出宮服通天冠並赤舄明堂則  
五時俱通天冠各以其色服東西堂舉哀服白恰  
天子六璽文曰皇帝行璽封常行詔勅則用之皇帝之璽  
賜諸王書則用之皇帝信璽下銅獸符發諸州征鎮兵亦  
竹使符拜代徵召諸州刺史則用之並白玉爲之方一寸



二分螭獸鈕天子行璽封拜外國則用之天子之璽賜諸外國書則用之天子信璽發兵外國若徵召外國及有事鬼神則用之並黃金為之方一寸二分螭獸鈕又有傳國璽白玉為之方四寸螭獸鈕上交五蟠螭隱起鳥篆書曼曰受天之命皇帝壽昌凡八字在六璽外唯封禪以封石函又有督攝萬機印一鈕以木為之長一尺二寸廣二寸五分背上為鼻鈕鈕長九寸厚一寸廣七分腹下隱起篆書為督攝萬機凡四字此印常在內唯以印籍縫用則左戶郎中度支尚書奏取印訖輸內

皇太子平冕黑介幘垂白珠九旒飾以三采玉以組為纓色如其綬並璽朱綬四采赤黃縹紺綬朱質長二丈一尺三百二十首廣九寸小綬長三尺二寸與綬同色而首半之衣服同乘輿而九章絳紵佩瑜王玉具劔火珠標首絳袴袂赤舄非謁廟則不服未加元服則空頂黑介幘雙童髻雙玉導中舍人執遠遊冠以從其遠遊三梁冠黑介幘翠綵纓絳紗裋皂緣中單黑舄大朝所服亦服進賢三梁冠黑介幘卓朝服絳緣中單玄舄為官臣舉哀白恰單衣烏皮履未加元服則素服

皇太子璽黃金為之方一寸龜鈕文曰皇太子璽宮中大事用璽小事用門下典書坊印



諸公知平冕黑介幘青珠為旒上公九三公八諸卿六以組為纓色如其綬衣皆玄上纁下三公山龍八章降皇太子一等九卿藻火六章唯郊祀天地宗廟服之

遠遊三梁諸王所服其未冠則空頂黑介幘開國公侯伯子男及五等散爵未冠者通如之

進賢冠文官二品已上並二梁四品已上並兩梁五品已

下流外九品已上皆一梁致事者通著委貌冠主兵官及

侍臣通著武弁侍臣加貂璫御史大理著法冠諸謁者太

子中道客舍人著高山冠宮門僕射殿中使亭長太子率

更寺宮門督太子內坊察非吏諸門更等皆著却非冠羽

林武賁著鷩冠錄令已下尚書以上著納言幘又有赤幘卑

賤者所服救日蝕文武官皆免冠著赤介幘對朝服賤者

平巾赤幘示威武以助於陽也止雨亦服之請雨則服緇

幘東耕則服青幘庖人則服綠幘

印綬二品已上並金章紫綬三品銀章青綬三品已上凡

中侍中省皆為印不為章四品得印者銀印青綬五品六品得印者銅

印墨綬四品已下凡是開國子男及五等散品名號侯皆為銀章不為印七品八品九品

得印者銅印黃綬金銀章印及銅印並方一寸皆龜鈕東

西南北四藩諸國王章上藩用中金中藩用下金下藩用

銀並方寸龜鈕佐官唯公府長史尚書二丞給印綬各品已下九品已



上唯當曹為官長者給印餘自非長官雖位尊並不給  
諸王纁朱綬四采赤黃纁紺純朱質纁文織長二丈二尺二百四十首廣  
九寸開國郡縣公散郡縣公玄朱綬四采玄赤纁紺朱質玄文織長  
丈八尺百十首廣八寸開國縣侯伯散縣侯伯青朱綬四采青赤  
白纁朱質青文織長一丈六尺百四十首廣七寸開國縣子男散  
縣子男名號侯開國鄉男素朱綬三采青赤白朱質白文織長一  
丈四尺百二十首廣六寸一品二品紫綬三采紫黃赤純紫質長丈  
尺百十首廣八寸三品四品青綬三采青白紅純青質長一丈六尺  
百四十首廣七寸五品六品墨綬二采青紺純紺質長一丈四尺百首  
廣六寸七品八品九品黃綬二采黃白純黃質長一

丈二尺六十首廣五寸官品從第二已上小綬間得施玉  
環凡綬先合單紡為一絲絲四為一扶扶五為一首首五  
成一文采純為質首多者絲細首少者絲麤官有綬者則  
有紛皆長八尺廣二寸各隨綬色若服朝服則佩綬服公  
服則佩紛官無綬者不合佩紛

釐囊二品已上金縷三品金銀縷四品銀縷五品六品綵  
縷七八九品綵縷獸爪釐官無印綬者並不合佩釐囊及  
爪

一品玉具劔佩山玄玉二品金裝劔佩水蒼玉三品及開  
國子男五等散品名號侯雖四五品並銀裝劔佩水蒼玉



侍中已下通直郎已上陪位則像劔帶真劔者入宗廟及升殿若在仗內皆解劔一品及散郡公開國公侯伯皆雙佩二品三品及開國子男五等散品名號侯皆隻佩綬亦如之

百官朝服公服皆執手板尚書錄令僕射吏部尚書手板頭復有白筆以紫皮裹之名曰笏朝服綴紫荷錄令左僕射左荷右僕射吏部尚書右荷七品已上文官朝服皆簪白筆正王公侯伯子男卿尹及武職並不簪朝服冠幘各一絳紗單衣白紗中單阜領袖阜襪華帶曲領方心蔽膝白筆烏袜兩綬劔佩簪導鈎釧爲具服七品已上服也公

服冠幘紗單衣深衣華帶假帶履袜鈎釧謂之從省服八品已下流外四品已上服也

流外五品已下九品已上皆著襦衣爲公服

皇后璽綬佩同乘輿假髻步搖十二鎮八雀九華助祭朝會以禕衣祠郊禘以褊狄小宴以闕狄親蠶以鞠衣禮見皇帝以展衣宴居以祿衣六服俱有蔽膝織成緹帶皇太后皇后璽並以白玉爲之方一寸二分螭獸鈕文各如其號璽不行用有令則太后以宮名衛尉印皇后則以長秋印

內外命婦從五品已上蔽髻唯以鎮數花釵多少爲品秩



二品已上金玉飾三品已下金飾內命婦左右昭儀三夫人視一品假髻九鑲金章紫綬服褕翟雙佩山玄玉九嬪視三品五鑲蔽髻銀章青綬服鞠衣佩水蒼玉世婦視四品三鑲銀印青綬服展衣無佩八十一御女視五品一鑲銅印墨綬服祿衣又有宮人女官服制第二品七鑲蔽髻服闕翟三品五鑲鞠衣四品三鑲展衣五品一鑲祿衣六品祿衣七品青紗公服俱大首髻八品九品俱青紗公服偏髻髻

皇太子妃 璽綬佩同皇太子假髻步搖九鑲服褕翟從鵲則青紗公服

皇太子妃璽以黃金方一寸龜鈕文曰皇太子妃之璽若有封書則用內坊印

郡長公主公主王國太妃妃纁朱綬髻章服佩同內命婦一品郡長君七鑲蔽髻玄朱綬闕翟章佩與公主同郡君縣主佩水蒼玉餘與郡長君同太子良娣視九嬪服縣主青朱綬餘與良娣同女侍中五鑲假金印紫綬服鞠衣佩水蒼玉縣君銀章青朱綬餘與女侍中同太子孺人同世婦太子家人子同御女鄉主鄉君素朱綬佩水蒼玉餘與御女同外命婦章印綬佩皆如其夫若夫假章印綬佩妻則不假一品二品七鑲蔽髻服闕翟三品五鑲服鞠衣四品



三鎮服展衣五品一鎮服祿衣內外命婦宮人女官從蠶  
則各依品次還著蔽髻皆服青紗公服如外命婦綬帶釐  
囊皆准其夫公服之例百官之母詔加太夫人者朝服公  
服各與其命婦服同○後周設司服之官掌皇帝十二服祀  
昊天上帝則蒼衣蒼冕祀東方上帝及朝日則青衣青冕  
祀南方上帝則朱衣朱冕祭皇地祇祀中央上帝則黃衣  
黃冕祀西方上帝及夕月則素衣素冕祀北方上帝祭神  
州社稷則玄衣玄冕享先皇加元服納后朝諸侯則象衣  
象冕十有二章日月星辰山龍華蟲六章在衣火宗彝藻  
粉米黼黻六章在裳凡十二等享諸先帝太負於龜食三

老五更享諸侯耕籍則服衮冕自龍已下凡九章十二等  
宗彝已下五章在衣藻火已下四章在裳衣重宗彝祀星  
辰祭四望視朝大射饗羣臣巡犧牲養國老則服山冕八  
章十二等衣裳各四章衣重火與宗彝群祀視朝臨太學  
入道法門宴諸侯與羣臣及燕射養庶老適諸侯家則服  
鷩冕七章十二等衣三章裳四章衣重三章衮山鷩冕皆  
裳重黼黻俱有二等通以升龍為領標冕通十有二旒巡  
兵即戎則服韋弁謂以韠韋為弁又以為裳衣也田獵行  
鄉畿則服皮弁謂以鹿子皮為弁白布衣而素裳也皇帝  
凶服斬衰父母之喪上下達其弔服錫衰以哭三公總衰以哭諸



疾皆十五升抽其半錫者浣其布不浣其縷疑衰以哭大衰在內總者浣其縷不浣其布衰在外也

夫十四皆素弁如爵弁之數環經一服凡大疫大荒大災則素

服縞冠凡疫病荒飢年災水旱也

諸公之服九一曰方冕二曰衮冕九章宗彝已上五章在

衣藻已下四章在裳三曰山冕八章衣裳各四章衣重宗

彝為九等四曰鷩冕七章衣三章裳四章衣重火與宗彝

五曰火冕六章衣裳各三章衣重宗彝及藻裳重黼六曰

毳冕五章衣三章裳二章衣重藻粉米裳重黼山冕已

下俱九等皆以山為領標冕俱九旒七曰韋弁八曰皮弁

九曰文冠

諸侯服自方冕而下八無衮冕山冕八章衣裳各四章鷩

冕七章衣三章裳四章衣重宗彝火冕六章衣裳各三章

衣重藻裳重黼毳冕五章衣三章裳三章衣重粉米裳重

黼黻鳥冕已下俱八等皆以華蟲為領標冕俱八旒

諸伯服自方冕而下七又無山冕鷩冕七章衣三章裳四章

火冕六章衣裳各三章裳重黼毳冕五章衣三章裳二章

裳重黼黻火冕已下俱七等皆以火為領標冕俱七旒

諸子服自方冕而下六又無鷩冕火冕六章衣裳各三章

毳冕五章衣二章裳二章裳重黼毳冕已下俱六等皆以

宗彝為領標冕俱六旒



諸男服自方冕而下五又無火冕毳冕五章衣三章裳二章以藻為領標冕五旒

三公之服九一曰祀冕二曰火冕六章衣裳各三章衣重宗彝與藻裳重黼三曰毳冕五章衣三章裳二章衣重藻與粉米裳重黼黻四曰藻冕四章衣裳俱二章衣重藻與粉米裳重黼黻五曰繡冕三章衣一章裳二章衣重粉米裳重黼黻俱九等皆以宗彝為領標六曰爵弁七曰韋弁八曰皮弁九曰玄冠

三孤之服自祀冕而下八無火冕毳冕五章衣三章裳二章衣重粉米裳重黼黻註冕四章衣裳各二章衣重藻與粉米裳重黼黻俱八等皆以藻為領標繡冕三章衣一章裳二章衣重粉米裳重黼黻為八等

公卿之服自祀冕而下七又無毳冕藻冕四章衣裳各二章衣重粉米裳重黼黻為七等皆以粉米為領標各七繡冕三章衣一章裳二章衣重粉米裳重黼黻為七等

上大夫之服自祀冕而下六又無藻冕繡冕三章衣一章裳二章衣重粉米裳重黼為六等

中大夫之服自祀冕而下五又無皮弁繡冕三章衣一章裳二章衣重粉米為五等

下大夫之服自祀冕而下四又無爵弁繡冕三章衣一章



裳二章衣重粉米為四等

士之服三 一曰祀弁 二曰爵弁 三曰玄冠

玄冠皆玄衣其裳上士以玄中

士以黃下士雜裳謂前玄後黃也

庶士之服一 玄冠

庶士庶人在官府史之屬其服緇衣裳

後令文武俱著常服冠形如魏帽無簪有纓其凶服皆與

庶人同其弔服諸侯於其卿大夫錫衰同姓總衰於士疑

衰其當事則弁經否則皮弁公孤卿大夫之弔服錫衰弁

經皮弁亦如士之弔服疑衰素裳當事弁經否則徒弁

皇后衣十二等其翟衣六從皇帝祀郊禘享先皇朝皇太

后則服翬衣

素質五色

祭陰社朝命婦則服翟衣

青質五色

祀受獸墜則服鷩衣

赤衣

采桑則服鷩衣

黃從皇帝見賓客

聽女教則服鵠衣

白食命

婦歸寧則服翟衣

玄俱十有二

等以翬雉為領標各有二臨婦與子及法道門命婦有時見

命婦則蒼衣春齋及祭還則青衣夏齋及祭還則朱衣采

桑齋及采桑還則黃衣秋齋及祭還則素衣冬齋及祭還

則玄衣自青衣而下其領標以相生之色

諸公夫人九服其翟衣雉皆九等俱以翟雉為領標各九

自翟衣已下五曰翟衣鷩衣鵠衣翟衣并朱衣黃衣

素衣玄衣而九自朱衣而下其領標亦同用相生之色

諸侯夫人自鷩而下八其翟衣雉皆八等俱以鷩雉為領

標無翟衣



諸伯夫人白鳩而下七其翟衣雉皆七等俱以鳩雉為領  
標又無鷩裘

諸子夫人自鷩而下六其翟衣俱以鷩雉為領標又無鳩  
衣

諸男夫人自翔而下五其翟衣雉皆五等俱以翔雉為領  
標又無鷩衣

三妃三公夫人之服九一曰鳩衣二曰鷩衣三曰翔衣四  
曰青衣五曰朱衣六曰黃衣七曰素衣八曰玄衣九曰鬢

衣似髮華皆九樹其雉衣亦皆九等以鳩雉為領標各九  
三妃三孤之內子自鷩衣而下八雉衣皆八等以鷩雉為

領標各八

六嬪六卿之內子自翔衣而下七雉衣皆七等以翔雉為  
領標各七

上媛上大夫之孺人自青衣而下六  
中媛中大夫之孺人自朱衣而下五

下媛下大夫之孺人自黃衣而下四  
御婉士之婦人自素衣而下三

中宮六尚一曰緹衣其色赤而微玄諸命秩之服曰公服其餘常  
服曰私衣皇后華皆有十二樹諸侯之夫人亦皆以命數

為之節三妃三公夫人已下又各依其命一命再命者又



俱以三為節

皇后及諸侯夫人之服皆烏履三妃三公夫人已下翟衣則烏其餘皆履烏履各如其裳之色

皇后之凶服斬衰齊衰降旁其已下弔服為妃嬪三公之

夫人孤卿內子之喪錫衰錫者十五升去其半無事其縷有事其布哀在內也為諸

侯夫人之喪總衰總亦十五升去其半有事其縷無事其布衰在外也為媛御婉及

大夫孺人士之婦人之喪疑衰十四升疑於吉皆吉筭無首象筭去首

飾太陰虧則素服蕩天下謂侯之夫人及三妃與三公之

夫人已下凶事則五衰自細已上皆服之其弔諸侯夫人於卿之

內子大夫孺人錫衰於已之同姓之臣總衰於士之婦人

疑衰皆吉筭無首其三妃已下及媛三公夫人已下及孺

人其弔服錫衰御婉及士之婦人弔服疑衰疑衰同筭九

已下皆并筭

鞞皇帝三章龍火山諸侯二章去龍卿大夫一章以山皆

織練以成之

皇帝八璽有神璽有傳國璽皆寶而不用神璽明受之於天傳國璽明受

之於皇帝負宸則置神璽於筵前之右置傳國璽於筵前

之左又有六璽其一皇帝行璽封命諸侯及三公用之其

二皇帝之璽與諸侯及三公書用之其三皇帝信璽發諸

夏之兵用之其四天子行璽封命蕃國之君用之其五天



子之璽與蕃國之君書用之其六天子信璽徵蕃國之兵  
用之六璽皆白玉爲之方一寸五分高寸螭獸鈕皇后璽  
文曰皇后之璽白玉爲之方寸五分高寸麟鈕三公諸侯  
皆金印方寸二分高八分龜鈕七命已上銀四命已上銅  
皆龜鈕三命已下銅印銅鼻其方皆寸其高六分文曰某  
公官之印

皇帝之組綬以蒼以青以朱以黃以白以玄以纁以紅以  
紫以緹以碧以綠十有二色諸公九色自黃以下諸侯八  
色自白以下諸伯七色自玄以下諸子六色自纁已下諸  
男五色自紅已下三公之綬如諸侯三公之綬如諸侯六

卿之綬如諸伯上大夫之綬如諸子中大夫之綬如諸男  
下大夫綬自紫已下士之綬自緹已下其璽印之綬亦如之  
保定四年百官始執笏常服上焉字文護始命袍加下欄  
宣帝即位受朝於路門初服通天冠絳紗袍羣臣皆服漢  
魏衣冠大象元年制冕二十四旒衣服以二十四章爲準  
二年下詔天臺近侍及宿衛之官皆著五色衣以錦綺續  
繡爲緣名曰品色衣有大禮則服冕內外命婦皆執笏其  
拜俛伏方興



志第六

禮儀六

隋書十一





書